



外科正宗 三

外科
238
3



門外
二九八
三

流注

痔瘡 罕

懸癰 罕

乳癰 九

附骨疽 十六

臈癰 廿九

臈毒 三十五

下疳 罕

魚口便毒 五七

囊癰 空

懸癰 六十六

楊梅瘡 七十三

結毒 九十一

多骨疽 八十七

岡氏
李庭

岡氏
李庭

岡氏
李庭

岡氏
李庭

新刊外科正宗卷之三

崇川 陳實功 毓仁父 纂著

流注論第二十五

夫流注者流者行也乃氣血之壯自無停息之機注者住也
也因氣血之衰是有凝滯之患故行者繇其自然住者繇其
瘀塞其形漫腫無頭皮色不變所發毋論穴道隨處可生凡得
此者多生于體虛之人勤勞之輩不慎調燮夏秋露卧縱意取涼
熱體當風圖身快爽或中風邪發散未盡或慾後陰虛外寒所侵
又或惱怒傷肝鬱結傷脾榮氣不從逆于肉裏又或跌打損傷瘀
血凝滯或

流注

產後惡露未盡流滯經絡此等種種皆成斯疾也既成之後當分表裏寒熱虛實邪正新久而治之初因風寒相中表症發散未盡者人參敗毒散散之房慾之後體虛寒氣外侵者五積散加附子溫之勞傷鬱怒思慮傷脾而成者歸脾湯加香附青皮散之跌撲傷損瘀血凝滯而成者復元活血湯逐之產後惡露未盡流注經絡而成木香流氣飲導之此皆初起將成之法一服至三四服皆可外俱用琥珀膏敷貼其中亦有可消者十中五六如服前藥不得內消者法當大養氣血培助脾胃溫暖經絡通行關節木香流氣飲十全大補湯俱加

附子香附培助根本此則未成者自消已成者自潰已潰者自斂而終無殘敗破漏不斂之症且如有膿宜急開之患者又當慎起居戒七情遠寒就溫俱可保全若候用寒涼剋伐肉消等藥終至不救者多矣

流注看法

初起漫腫皮色光亮微熱微疼筋骨不欠强者為順已成身體微熱飲食有味疼痛有時腫生紅色者順已潰膿稠而黃腫消痛止身體輕便起坐如常者順潰後肉肉易生膿水易止精神易復膿占易合者順初起身體發熱脈細而數皮色微腫痛徹筋骨者險已成飲食少思口乾作渴

身體疼痛四肢沉重者險已潰膿水清稀腫仍不消虛熱不退疼痛不減者逆潰後膿穢不止肌膚瘦削飲食不食發熱皮癯者死

流注治法

初因風寒表散未盡而後復生腫痛者再宜和解之表邪已盡而後復生流注者宜清熱消腫行散氣血暴怒所傷抑鬱所致胸膈痞悶中氣不舒順氣寬中腫硬已成而不得內消者宜和氣血更兼補助脾胃跌撲閃胸瘀血凝滯為患者宜調和氣血通行經絡寒邪所襲筋攣骨痛及遍身疼痛者溫經絡行氣血產後敗血流注關節致生腫痛

者當散敗瘀養氣血潰後膿水不止而形衰食少者宜滋氣血峻補脾胃

流注治驗

- 一男子風寒表散未盡兩腮腫痛微熱不退以小柴胡加川芎天花粉桔梗連翹二服餘熱頓退又以二陳湯加桔梗黃芩牛勞子連翹四服十日而安
- 一男子勞傷受寒背生三腫皮色不變寒熱交作至夜尤甚先以萬靈丹洗浴發汗寒熱頓退惟腫硬不消以琥珀膏敷之三次其腫消痛止漸漸而平
- 一婦人因怒脇下結腫將近半年方痛此得之肝氣鬱結

之症以木香流氣飲四服其腫漸紅此日久之病必欲
作膿不可內消又以十全大補湯加木香香附青皮十
餘服其腫漸高又以本方加皂角刺五服其膿乃潰且
清且多此癆中所得者元氣已經虧損其膿故多而清
以入參養榮湯加熟附子月餘膿稠且少又本方倍參
芪歸朮兩月而愈

一男子元氣素虛因暴怒膈生腫塊疼痛牽強寒熱往來
飲食日減以補中益氣湯加香附貝母十餘服寒熱漸
止又以益氣養榮湯月餘而腫潰間以八珍湯服之外
用附子餅日灸二次脾胃健而安

一孀婦項間乳上各腫一塊將近二年漸大方痛診之脉
細數而無力此思慮過傷之病也以歸脾湯加桔梗香
附十餘服其腫漸高外以琥珀膏敷之腫頂紅色欲其
作膿又以十全大補湯加桔梗貝母服之半月膿熟針
之然後頭腐膿清虛熱復作食少不睡仍以歸脾湯間以
逍遙散服之三月而愈

一男子平素怯弱腰後微腫一塊飲食少思口乾發熱此
得之腎傷之病也治當朝以附桂八味丸午用入參養
榮湯扶植根本為要彼以口乾發熱肉火之故欲投清
涼之劑解之予辭不敢治請內醫視之以退熱為主正

合病家之意投藥三劑腹痛作瀉又以豬苓澤瀉厚朴泄氣等藥太熱發作形體更變復請予治予曰死之速矣伊不知因虛致病法當滋補况是腰間腫塊內腎受傷口乾作渴腎水枯竭發熱不退陰虛血少今以有餘之藥而療不足之症豈有不死者始信前悞又半月而死

流注主治方

調和榮衛湯

調和榮衛湯甘草赤芍白芷併烏藥

陳獨芎歸芪大茴牛膝紅花栢其隨

治流注初起氣血凝聚結腫不散已成未成服

川芎

當歸

陳皮

獨活

各錢

赤芍

白芷

烏藥

大茴香

黃芪

各八分

甘草

炙

紅花

各五分

牛膝

下部加

水二鍾煎八分入酒一杯量病上下服

木香流氣飲

木香流氣飲芎歸枳殼煨芩防半夏

蘇桔青陳烏澤芪腹皮半芍膝其隨

治流注瘰癧及鬱結為腫或血氣凝滯遍身走注作痛或心胸痞悶噎咽不利脇腹膨脹嘔吐不食止氣喘急咳嗽痰盛或四肢面目浮腫者並服之

川芎

當歸

紫蘇

桔梗

青皮

陳皮

烏藥

黃芪

枳實

茯苓

防風

半夏

白芍

各一錢

甘草

大腹皮

木香

檳榔

澤瀉

枳殼各五分

牛膝下部加一錢

水二鍾薑三片棗一枚煎八分食遠服

附子八物湯

附子八物湯芍藥甘草肉桂當歸等

熟地人參木茯苓木香姜棗効通神

治房慾後陰虛受寒致生腫塊又或遍身腿脚疼痛不能步履

川芎

白芍

熟地

人參

白朮

茯苓

當歸

附子各一錢

肉桂

木香

甘草各五分

水二鍾薑三片棗一枚煎八分食遠服

瘡科流氣飲

瘡科流氣飲芍藥防風枳殼香身藥

甘桔蘇栝芍桂芪白芷人參厚朴隨

治流注及一切鬱怒凝滯氣血作腫疼痛或胸膈痞

悶或風寒濕毒搏于經絡結成腫塊者服

當歸

甘草

紫蘇

人參

白芍

官桂

黃芪

防風

枳殼

烏藥

桔梗

厚朴各七分

檳榔

木香

川芎

白芷各五分

水二鍾煎八分食遠服

通經導滯湯

通經導滯湯香附陳皮丹皮蘇草節

赤芍芍歸熟地隨牛膝紅花獨殼

治婦人產後敗血流注經絡結成腫塊疼痛者

香附

赤芍

川芎

當歸

熟地

陳皮 紫蘇 牡丹皮 紅花 牛膝

枳殼各錢 甘草節 獨活各五分

水二鍾煎八分入酒一小杯食前服

香附餅

香附餅最散風寒酒和調成患上安
製底熱攻寒氣散敢教苦楚即成歡

治風寒流注襲干經絡結成腫痛用香附為末酒和
量瘡大小做餅覆患處熱熨斗熨藥上未成者自消
已成者自潰風寒濕毒宜薑汁作餅

醒脾湯

醒脾湯中白朮芪 參連酸棗地骨皮
茯神遠志柴甘桔 香附木香龍眼宜

治懷抱鬱結思慮傷脾致脾氣不行逆于肉裏乃生
壅腫疼痛不眠心煩不妄神氣不清等症

白朮 黃芪 人參 茯神各一錢 酸棗仁

地骨皮 遠志各七分 柴胡 甘草 桔梗

黃連 木香 香附 圓眼肉七個

水二鍾薑三片棗二枚煎八分不拘服

調中大成湯

調中大成湯木附 苓歸山芍藥參芪
砂仁遠志丹陳草 藿桂煨姜黑棗隨

治流注潰後膿水清稀飲食減少不能生肌收斂

白朮 茯苓 歸身 白芍 陳皮

山藥 黃芪 牡丹皮各一錢 人參二錢

黃芪 藿香 砂仁 遠志 甘草各五分 附子

肉桂各八分

水二鍾煨薑三片棗二枚煎八分食遠服

黃芪六一湯 黃芪六一湯甘草 加上人參三味奇 流注膿多併作湯 更兼煩燥効推

治流注潰後膿水出多口乾作渴煩燥不寧服之

黃芪 六錢半生 半蜜水炒 甘草 一錢五分 半生半炙 人參 一錢

水二鍾煎八分食遠服

散血葛根湯 散血葛根湯半夏 芎防羌葛芷升麻 甘草細辛併蘇葉 桔梗香附與紅花

治跌僕傷損瘀血凝滯結成流注身發寒熱者

乾葛 半夏 川芎 防風 羌活

升麻 桔梗 各八分 白芷 甘草 細辛

蘇葉 香附 紅花 各六分

水二鍾葱三根薑三片煎八分不拘時服

先天大造丸 先天大造丸歸杞 熟地牛膝肉黃 易茅巴骨香牛膝 遠志青鹽故紙方

治風寒濕毒襲于經絡初起皮色不變漫腫無頭或

陰虛外寒侵入初起筋骨疼痛日久遂成腫痛潰後

膿水清稀久而不愈漸成漏症者服

紫河車 一具酒 煎搗膏 熟地黃 四兩酒 煎搗膏 歸身

茯苓 人參 無拘杞 菟絲子 黃精

肉苁蓉 酒洗 搗膏 白朮 去赤汁蒸熟去 何首烏 去皮用黑豆 同蒸搗膏

川牛膝 浸去赤汁蒸熟去 仙茅 皮搗膏各二兩 川巴戟 去骨

骨碎補 去毛 微炒 破過紙 遠志 去心炒 各一兩

木香 青鹽各五錢 丁香三錢 黑棗肉二兩

右為細末煉蜜丸如桐子大每服七十丸空心溫酒送下此方非獨流注成漏者又補一切氣血虛羸勞傷內損乃男婦久無嗣息並有奇功

琥珀膏

琥珀膏中用大黃 南星白芷鬱金香 同蒜搗稠敷患處 管敷流毒即安康

治一切皮色不變漫腫無頭氣血凝滯結成流毒毋論身體上下年月新久但未成膿者並効

大黃二兩 鬱金 南星 白芷各一兩

其為細末用大蒜頭去殼搗爛入上藥再搗稠入酒一二匙調勻遍敷腫上紙蓋隨有熱痛又有不痛俱

乳癰

再待藥乾便効次日又有起泡又有不起泡者如有起起挑去泡中黃水膏貼之自効

流注應用方

十全大補湯 人參養榮湯

補中益氣湯 益氣養榮湯

八珍湯俱見癰疽潰瘍門 萬靈丹見癰疽腫瘍門

小柴胡湯 二陳湯

乳癰論第二十六 附乳岩

夫乳病者乳房陽明胃經所司乳頭厥陰肝經所屬乳子之母不能調養以致胃汁濁而壅滯為膿又有憂鬱傷

肝肝氣滯而結腫初起心煩渴嘔注寒熱交作腫痛疼
甚宜牛蒡子湯主之厚味飲食暴怒肝火妄動結腫者
宜橘葉散散之又憂鬱傷肝思慮傷脾積想在心所願
不得志者致經絡痞澁聚結成核初如豆大漸若棋子
半年一年二載三載不疼不痒漸漸而大始生疼痛爛
則無解日後腫如推棗或如復碗紫色氣穢漸漸潰爛
深者如岩穴凸者若泛蓮疼痛連心出血作臭其時五
臟俱衰四大不救各曰乳岩凡犯此者百人必百死如
此症知覺若早只可清肝解鬱湯或益氣養榮湯患者
再加清心靜養無掛無碍服藥調理只可苟延歲月若

中年已後無夫之婦得此死更尤速故曰夫乃婦之天
也惟初生之時急用艾灸核頂待次日起泡挑破用披
針針入四分用冰蠟散條插入核內糊紙封蓋至十二
日其核自落用王紅膏生肌斂口再當保養不發又男
子乳疾與婦人微異女損肝胃男損肝腎蓋怒火房慾
過度以此肝虛血燥腎虛精怯血脈不得上行肝筋無
以榮養遂結腫痛治當八珍湯加山梔牡丹皮口乾作
渴者加減八味丸腎氣素虛者腎氣丸已潰作膿者十
全大補湯懷孕之婦乳疾曰內吹因胎氣旺而上冲致
陽明乳房作腫宜石膏散清之亦可消散遲則遷延月

久將產出膿乳汁亦從膿竅流出其口難完有此者純用補托生肌其口亦易完矣

乳癰乳岩看法

初起紅赤腫痛身微寒熱無頭疔無口乾微疼者順已成
焮腫發熱疼痛有時一囊結腫不侵別囊者輕已潰膿
黃而稠腫消疼痛漸止四邊作痒生肌者順潰後膿水
自止腫痛自消新肉易生膿口易合者順初起一乳通
腫木痛不紅寒熱心煩嘔吐不食者逆已成不熱不紅
堅硬如石口乾不眠胸痞食少者逆已潰無膿正頭腐
爛腫之愈高疼之愈盛流血者死潰後肉色紫黑痛苦

連心澆氣日深形體日削者死

乳癰乳岩治法

初起發熱惡寒頭疼體倦六脉浮數邪在表宜散之發熱
無寒惡心嘔吐口乾作渴胸膈不利者宜清之憂鬱傷
肝思慮傷脾結腫堅硬微痛者宜疎肝行氣已成焮腫
發熱疼痛有時已欲作膿者宜托裏消毒膿已成而脹
痛者宜急開之又脾胃虛弱更兼補托潰而不斂膿水
清稀腫痛不消疼痛不止大補氣血結核不知疼痛久
而漸大破後惟流污水養血清肝

乳癰治驗

一婦人因怒左乳腫痛寒熱交作以人參敗毒散一劑表症已退又以牛蒡子湯二服腫消漸漸而安

一婦人憂思過度久鬱成癆左乳結核如桃半年似痛非痛咳嗽生痰身發潮熱診之脉微數而無力此真氣雖弱而邪火尚未有餘如用藥合理亦堪調治先用逍遙散加香附貝母十餘服而咳嗽漸止寒熱間作又以八珍湯加香附牡丹皮柴胡遠志十餘服身熱去其八九又以益氣養榮湯加青皮木香兩月餘其胸膈得利噉氣得舒飲食漸進肌膚漸澤外腫以阿魏化痞膏貼之半年餘而消

一婦人右乳疼痛腫如覆碗診之脉數有力此有餘症欲作膿也以托裏消毒散數服而脹痛即針之出膿碗許又以十全大補湯加香附十餘服而安

一婦人暴怒左乳結腫疼痛自服仙方活命飲二服疼痛稍止結腫不消仍服清涼敗毒之劑腫痛反作形體日弱予診之脉浮數而無力此屬真氣虛而邪氣寒也非補不可以益氣養榮湯四五服其腫始高寒熱亦退又十餘服而膿潰兼以十全大補湯兩月而痊此非純補之功其疾豈能得愈矣
一男子年過五旬因妻喪子不成立憂鬱傷肝左乳結腫

外科正宗 卷之三
半年痛甚作腐肝脉弦數先以小柴胡湯加青皮山梔
遠志貝母數服而肝脉稍平又以八珍湯仍加前藥十
餘服其腫漸腐為膿更服益氣養榮湯庶保收斂彼為
內醫所惑謂鬱怒傷肝肝經有火不必用補更服降火
流氣寬中等劑致食少便秘發熱作渴復請干治肝脉
復弦口乾作渴邪火內淫飲食減少脾土受傷便秘發
熱陰血竭而為燥為熱已上俱內損症也辭不治後月
餘果死

一婦人左乳結核三年方生腫痛膨之脉緊數而有方此
陽有餘而陰不足也况結腫如石皮肉紫色不澤此乳

岩症也辭不治又一婦左乳結腫或小或大或軟或硬
俱不為痛已半年餘方發腫如覆碗堅硬木痛近乳頭
壘壘遍生疔瘡時痛時痒膨之脉弦而數腫皮慘黑不
澤此氣血已死辭不可治又一婦已潰腫如泛蓮流血
不禁辭後果俱死

乳癰主治方

牛蒡子湯

牛蒡子湯瓜蒌仁 銀花山梔甘草陳
黃芩連翹柴花粉 青皮牛子角針平

治乳癰乳疽結腫疼痛毋論新久但未成膿服

陳皮 牛蒡子 山梔 金銀花 甘草
瓜蒌仁 黃芩 天花粉 連翹 角針

各一錢

柴胡

青皮 各五分

水二鍾煎八分入酒一杯和勻食遠服

橘葉散

橘葉散內有柴陳川芎山梔青皮迎石膏黃芩連翹行甘草加之効有靈

治婦人有孕胎熱為內吹有兒吃乳名外吹致乳結成腫痛寒熱交作甚者惡心嘔吐並服之

柴胡

陳皮

川芎

山梔

青皮

石膏

黃芩

連翹 各錢

甘草 五分

橘葉 二個

水二鍾煎八分食遠服渣再煎服

清肝解鬱湯

清肝解鬱湯陳芎桔半芎歸貝茯神青皮生附併蘇藥通草山梔遠志

治一切憂鬱氣滯乳結腫硬不疼不痒久漸作疼或

胸膈不利肢體倦怠面色痿黃飲食減少

陳皮

白芍

川芎

當歸

生地

半夏

香附 各八分

青皮

遠志

茯神

貝母

蘇葉

桔梗 各六分

甘草

山梔

水通 各四分

水二鍾薑三片煎八分食遠服

鹿角散

鹿角散効獨稱雄消乳專于建大効能致腫痛永無踪

治乳癰新起結腫疼痛增寒發熱但未成俱効鹿角尖三寸用炭火內煨稍紅存性碾末每服三錢食後熱酒一茶鍾調服甚者再一服必消

回乳四物湯

回乳四物湯最靈

芎歸白芍熟地呈最消腫脹得和平

治產婦無兒吃乳致乳汁腫脹堅硬疼痛難忍

川芎

當歸

白芍

熟地

各二錢

麥芽

二兩炒未

水二鍾煎八分食遠服用脚布束緊兩乳以手按揉

其腫自然消散甚者再用一服

灸乳腫妙方

灸乳腫痛方來異

惱怒勞傷氣不調諸般腫痛疾然消

治氣惱勞傷或寒熱不調乳內忽生腫痛用碗一隻

內用麤煇草四根十字排勻碗內燈草頭各露寸許

再用平山麤紙裁成一寸五分闊紙條用水濕紙貼

蓋碗內燈草上紙與碗口相齊將碗覆于腫乳上留

燈草頭在外將艾大圓放碗足底內點火灸艾盡再添灸至碗口流出水氣內痛覺止方住甚者次日再灸一次必消

保安萬靈丹

見癰疽腫瘍門

治乳癰初起發熱惡寒頭眩肢體作痛者立刻

益氣養榮湯

見癰瘕門

治鬱怒傷肝七情內結以致乳中生核不疼不痒日久方痛甚者胸膈不利吞酸嘔吐頭目昏眩四肢倦怠或已破潰膿水清稀不能收斂飲食減少口淡無味自汗盜汗肢體羸瘦者並効

治乳便用方

治乳蒲公英常說
再加葱湯催汗泄

同酒煎來乘熱
消腫猶如湯浸雪

治乳癰初起腫痛未成膿者用蒲公英春秋間開黃
花似菊取連根帶葉二兩搗爛用好酒半觔同煎數
沸存渣敷腫上用酒熱服蓋睡一時許再用連鬚蔥
白湯一茶鍾催之得微汗而散此方鄉林偏僻無藥
之所用之極妙亦且簡便

下乳天漿散

下乳天漿散四物
王不留行併山甲

茯苓花粉麥門冬
漏蘆甘草木通逢

治乳母元氣虛弱乳汁微少或生兒日久乳少

川芎

當歸

白芍

熟地

茯苓

天花粉

甘草

王不留行

炒

麥門冬

漏蘆

川山甲

炒通草

各四錢

用健豬前蹄一隻煮蹄爛取汁二碗同藥煎至碗半
二次頓熱食遠服之以熱木梳梳其乳房其汁如泉
湧而來

木香餅

木香餅同生地黃
氣滯腫疼併閃胸

二物和勻患上
用之熨自無效

治一切氣滯結腫成核或痛或閃胸風寒所傷並効

木香

錢五

生地黃

一兩
搗膏

右木香為末同地黃和勻量患處大小作餅置腫上
以熱熨斗熨之堅硬木痛者間日熨之妙

乳癰應用方

十全大補湯

八珍湯 見癰疽潰瘍門

逍遙散

水蠅散

小柴胡湯

見癰疽門

托裏消毒散

見腫瘍門

阿魏化痞膏

見癰疽門

附骨疽論第二十七

附鶴膝風

夫附骨疽者乃陰寒入骨之病也但人之氣血生平壯實雖遇寒冷則邪不入骨凡入者皆由體虛之人夏秋露卧寒濕肉襲或房慾之後蓋覆單薄寒氣乘虛入裏遂成斯疾也初起則寒熱交作稍似風邪隨後筋骨作痛不熱不紅疼至徹骨甚者曲伸不能轉側日久陰

附骨疽

變為陽寒化為熱熱甚而腐肉為膿此疽已成也凡治此症初起寒熱作痛時使用五積散加牛膝紅花發汗散寒通行經絡或萬靈丹發汗亦可次以大防風湯行經活血滲濕補虛又有生于尻臀部位漫腫作疼者內托羌活湯腿內近膝股漫腫木痛者內托芪柴湯腿外側者內托酒煎湯初起通用入參敗毒散加木瓜牛膝蘇木紅花虛者十全大補湯加羌活防已牛膝已成欲作膿者附子八珍湯濃成脹痛者即針之膿稠而黃體寔者十全大補湯膿清色白體虛者保元大成湯食少體倦者香砂六君子湯脾虛寒熱者補中益氣湯以此

調理可也。又有風濕相乘之症，初起寒熱交作，次傳腿腫，作痛其形光亮微紅，發熱腫痛，按之如泥，不便起者，宜當歸拈痛湯，或茯苓左經湯間服，萬靈丹和之。以上之症皆由元氣不足，中來不可誤用，損脾泄氣敗毒等藥，外禁寒涼等法，如誤用之，必致氣血水凝，肉肉瘀腐，日久化為汚水，敗膿流而不禁者，終死。又有房慾勞傷，寒熱互變，氣血乖違，經脈橫解受病，日深以成斯疾者，其患大腿漸漸腫，如冬瓜，上過臍腹，下連足底，牽連漫腫，皮色不紅，日久潰膿色白，腥穢腫仍不消，痛仍不減，元氣日衰，身體縮小，唇舌乾焦，一便枯秘，諸藥不効，飲

食不進者，終為不治。又有鶴膝風，乃足三陰虧損之症，初起寒熱交作，時亦宜五積散，加牛膝、紅花，或萬靈丹發汗，俱可。如汗後腫痛仍不消滅，此陰寒深伏，以大方風湯溫煖經絡，重者兼灸膝眼二穴，敷以琥珀膏，亦可漸漸取効。如用以上之法，俱不効者，終成痼疾，不必強藥消之，只宜先天大造丸、史國公酒藥，每常服之，終年亦可轉重，就輕，移步行履尚可圖也。

附骨疽看法

初起身微寒，熱飲食如常，結腫微紅，疼不附骨者，順已成舉動，自便結腫成囊，疼痛有時，膿易成者，為吉。已潰膿稠

腫消痛減身體輕便醒睡穩不熱者吉潰後元氣易復
 飲食易進內肉易實膿水易乾者吉初起身發寒熱漫腫
 色白肢體牽強疼痛附骨者險已成舉動不便通腿漫腫
 不熱不紅不作膿者為險已潰膿水清稀氣穢腥臭腫痛
 不消形體日削者死潰後脾胃虛弱飲食無味口渴不止
 唇白皮枯者死

附骨疽治法

初起發熱惡寒身體拘急腿脚腫痛脉浮緊者散之已成
 腿脚腫痛皮色不變上下通腫者散寒溫經絡寒熱作腫
 色白光亮按之如泥不起者宜健脾滲濕身體無熱惡寒

脉遲而滯腿腫不熱者養血溫經絡暑中三陰脉洪而數
 腿脚痲腫口乾便燥者宜下之已潰膿水清稀飲食減少
 形體消瘦者補中健脾胃潰後腫痛不減膿水不止虛熱
 不退者溫中養氣血愈後筋骨牽強曲伸不便者宜滋養
 氣血通利關節

附骨疽治驗

一男子中寒發散未盡大腿腫痛脉浮數而無力此風寒
 未盡內虛故也以五積散去麻黃加牛膝二服疼痛稍
 減又以內托黃芪酒煎湯四服通腫俱消惟腿外側結
 腫一塊不退此瘀血凝滯欲作膿也以托裏藥候膿熟

針之更以十全大補湯而飲

一男子勞碌遇寒每發腿痛發則寒熱嘔吐胸痞不食此因氣惱飲食不節脾胃受傷故脾氣有虧飲食不能運化痰滯中脘濕熱動而下流注為脚氣以開結導引丸二服行去停痰又以半夏佐經湯數服嘔止膈利更以附子六物湯數劑消而不發

一老人年六旬過慾腎虛致筋攣痺縮脚膝無力不能步履外貼祛風逐濕膏內服三因勝駿丸而愈

一男子右腿腫痛兩月餘予曰膿已成久何不開之彼曰二老醫同治俱稱內消無膿其膿不知真否此當再請

予老決之又曰此必無膿但患者昏沉不醒命在危篤予強開之出膿盈許以獨參湯連進二服而甦後以十全大補湯調理百日外而安

一男子房事後陰寒大腿無形作痛至夜尤甚不能步履醫以散寒除濕消痰止痛藥治之其疼益增診之脉細滑而無力此氣血不足寒氣所乘之症當以大防風湯二劑疼痛頓減又四劑其疾痊愈

一男子暑月慾後當風睡臥致寒氣襲于左腿遂成腫痛寒熱交作胸痞不食以保安萬靈丹葱湯化服洗浴發汗以散骨髓寒毒後以大防風湯去羌活加紅花破過

紙溫煖腎經通行經絡腫痛漸消血脉漸和後以三因
勝駿丸間服調理兩月而愈

一監生似前慾後受寒致成腿痛予以煖腎氣溫經絡散
寒邪藥治之彼以為緩請內醫甘服表散之劑外邪難
散其內必虛又以小柴胡湯等藥調理致虛熱發作口
燥咽乾煩渴不已又以知母石膏湯清其上防風木瓜
威靈仙等劑攻其下衆醫紛紛雜藥妄進致病愈劇仍
復請治其時患腿愈腫其形縮小此必死症也况此症
原從腎經受寒非附子破過紙不能通達關節非羌活
防風牛膝不能通行閉滯非人參白朮炙甘草不能使

當脾氣行達四肢非川芎當歸白芍熟地紅花不能養血
活血此病從虛而入者先補其虛後攻其病况治此症
不加溫補而反用發散解肌似正風寒有餘之法治之
不死何愈後果死衆醫始信而服之

附骨疽治方

五積散

五積散 桂 芎 歸 桔 蒼 半 麻 陳 芍 苳 苓
枳 殼 乾 姜 併 厚 朴 白 芷 甘 草 其 姜 行

內并治風寒濕毒客于經絡致筋攣骨痛或腰脚酸疼或
遍身拘急或發熱惡寒頭痛者並宜服之

蒼木 錢二 陳皮 桔梗 川芎 當歸
白芍 各一 麻黃 枳殼 桂心 乾薑

厚朴各六分 白芷 半夏 甘草 茯苓各四分

薑三片水二鍾煎八分不拘時服頭痛惡寒者加連鬚葱頭三根蓋汗為効下部加木瓜牛膝

內托羌活湯內托羌活湯蒼朮 防桂連翹藁朮 歸尾陳皮兼甘草 紅花加上効堪推

治尻臀患癰堅硬腫痛兩尺脉緊數按之無力

羌活 黃柏 防風 歸尾 藁朮

肉桂各一錢 黃芪五分 連翹 甘草 蒼朮

陳皮各六分 紅花五分

水酒各一茶鍾煎八分食前服

當歸拈痛湯當歸拈痛湯二水 羌活 防風 澤瀉 芍藥 升麻 茵陳 甘草 節 人參 知母 要調勻

治足少陽經為四氣所乘以致腰腿發熱疼痛頭目小熱昏眩嘔吐不食胸膈不利心煩熱悶等症

茯苓 陳皮 半夏 白朮 蒼朮各一錢

藿香 澤瀉 甘草 葛根 柴胡

厚朴 木瓜各五分

水二鍾薑三片煎八分食前服

附子六物湯附子六物湯甘草 防已白朮桂枝芍藥 同水二鍾姜三片 太陰足腫最消

治四氣流注于足太陰經骨節煩痛四肢拘急自汗短氣小使不利手足或時浮腫並皆服之

附子 甘草各一錢 防已 白朮 茯苓各八分

桂枝 五分

水二鍾薑三片煎八分食遠服

麻黃左經湯

麻黃左經湯葛根 羌活防風蒼朮 防已甘草細辛等 桂心姜棗効通神

治風寒暑濕流注足太陽經腰足攣痺關節重痛增寒發熱無汗惡寒或自汗惡風頭痛等症

麻黃

葛根

羌活

防風

蒼朮

茯苓

防已

桂心

細辛

甘草

各五分

水二鍾薑三片棗二枚煎八分食前服

小續命湯

小續命湯芎白朮 防風防已共人參 附子麻黃桂枝等 附子麻黃桂枝等

治寒濕之氣中于三陽致身不熱所患煩疼或脚腫

治濕熱下注腿脚生瘡赤腫作痛或腰脚酸痛或四肢遍身重痛或下部頑麻作痒或成血風

羌活

當歸

防風

茵陳

蒼朮

各一錢

苦參

升麻

白朮

各七分

葛根

甘草

黃芩

知母

澤瀉

猪苓

人參

各五分

黃柏

三分

水二鍾煎八分食前服

內托黃芪湯

內托黃芪湯黃柏 柴胡肉桂連翹等

羌活當歸生地黃 木瓜加上効非常

治濕熱腿內近膝股患癱或附骨癱初起腫痛此太陰厥陰之分也脉細而弦按之洪緩有力

黃芪鹽水拌炒 當歸 柴胡 木瓜 連翹各一錢

羌活 肉桂 生地黃 黃柏各五分

水酒各一鍾煎一半空心熱服

內托酒煎湯

內托酒煎湯桂枝 柴胡連翹黃柏宜 甘草升麻大力子 煎同水酒効

治寒濕發于腿外側少陽經分患癱或附骨癱堅硬

漫腫作痛或流至足陽明經作腫亦治之

黃芪 當歸各二錢 柴胡一錢五分 連翹 肉桂

大力子各一錢 升麻 黃柏 甘草各五分

水酒各一茶鍾煎一半食前服

茯苓佐經湯

茯苓佐經湯半夏 二木陳皮草葛根 藿香澤瀉柴胡等 木瓜厚朴共同行

筋或腫或不腫或膝腿頑痺或時緩縱不隨或遍身

百節攣痛或小腸疝氣攻冲並服之

川芎 白朮 防風 人參 防已

附子生用 麻黃有汁去之 桂心 黃芩 白芍各一錢

甘草五分

水二鍾煎八分入姜汁一匙和勻食前服又暑中三

陰所患必熱去附子減桂枝一半

大防風湯

大防風湯木附歸 參芍川芎杜仲 羌活牛膝併甘草 姜引加之熟地隨

治三陰之氣不足風邪乘之兩膝作痛久則膝愈大

而腿愈細因名曰鶴膝風乃敗症也非此方不能治

又治附骨疽皮色不變大腿通腫疼痛無忌及痢後
脚痛緩弱不能行或腿膝腫痛

人參錢二 防風 白朮 附子 當歸

白芍 川芎 杜仲 黃芪 羌活

牛膝 甘草錢一 熟地錢一

水二鍾薑三片煎八分食前服

檳蘇散 檳蘇散內用木瓜 香附陳皮大腹加 羌活不香姜作引 敢教風濕疾無他

治風濕流注脚脛酸痛或麻痺不仁嘔吐不食

檳榔 紫蘇 木瓜 香附 陳皮

大腹皮錢一 木香錢三 羌活錢五

水二鍾薑三片蔥白三莖煎一鍾空心服

獨活寄生湯 獨活寄生湯茯苓 芍歸防芍細辛參 桂心杜仲秦花膝 熟地甘草共相平

治肝腎虛弱風濕內攻足脛緩縱或膝痺攣重

獨活錢二 茯苓 川芎 當歸 防風

白芍 細辛 人參 桂心 杜仲

秦花 牛膝 熟地 桑寄生真者各一錢

甘草錢五 水二鍾薑三片煎八分食前服

神應養真丹 神應養真丹木瓜 當歸芍芎共天麻 羌活熟地鬼絲子 蜜丸酒服効堪誇

治厥陰經為四氣所襲脚膝無力左癱右瘓半身不

逐手足頑麻言語蹇澁氣血凝滯遍身疼痛者並服

當歸 川芎 白芍 天麻 羌活

熟地搗膏 木瓜 羌活各等分

右為細末入地黃膏加蜜丸如桐子大每服百丸空

心溫酒鹽湯任下

三因勝駿丸 三因勝駿膠附歸 防麻棗熟木換隨 射乳乾甘羌沒藤 蒼蝎從蓉故紙宜

治元氣不足真氣虛弱及諸虛被寒濕氣侵襲手足

拳攣脚指連脚面拘急走注疼痛筋脉不伸行步不

隨常服益真氣壯筋骨黑髮鬚滑皮膚一切足弱鶴

膝風症膝愈大而腿愈細並治

附子一枚一兩 當歸 明天麻 牛膝

酸棗仁搗膏 熟地搗膏 防風各二兩 木瓜四兩 蛭蝎一身一兩

麝香錢一 乳香 木香 沒藥 羌活

甘草炙各五錢 檳榔 川草蘇 肉苁蓉 破故紙

大熟巴戟去已大 蒼朮各一兩 右為細末煉蜜丸桐子大每服七十九空

溫酒任下病近者七日年深者半月見效

健步丸 健步丸中用苦參 防風防已澤柴呈 羌活滑石瓜萋等 甘草川烏肉桂

治生平好飲食少酒多傷于脾肺膝中無力伸不能

屈屈不能伸膝脊腿脚沉重行步艱難者

苦參酒洗 防已酒浸 羌活 柴胡 滑石炒

瓜蒌根 甘草各五錢 防風 肉桂各二錢 澤瀉一兩半

川烏泡二錢

右為細末酒糊為丸如桐子大每服三十九空心溫

酒送下

大腹子散

大腹子散蘇木瓜 羌荆赤芍木通加獨活桑皮併枳殼 甘草青皮効可誇

治風毒脚氣上攻寒熱交作肢節煩疼心神壅悶

大腹子 紫蘇 木瓜 羌活 荆芥

赤芍 木通 獨活 桑白皮 青皮各五分

枳殼一錢 甘草三分

水二鍾薑五片葱白三莖煎八分空心服再對一大

加味敗毒散

加味敗毒散人參 羌獨前柴芎桔梗 茯苓枳殼同甘草 木瓜蒼朮此為龍

治足三陽經濕熱毒氣流注脚蹠焮赤腫痛寒熱如

瘡自汗惡風或無汗惡寒或惡聞飲食者

人參 羌活 獨活 前胡 柴胡

川芎 桔梗 茯苓 枳殼 甘草

木瓜 蒼朮各八分

水二鍾薑三片煎八分食前服便秘加炒大黃

千里健步散

千里健步散奇功 細辛防風白芷同 加上草烏為細末 長安驛息即時通

治遠行兩脚腫痛若用之可行千里輕便甚妙

細辛 防風 白芷 草烏

右等分爲末，搽在鞋底內，如底乾，卽以水微濕，過搽藥着，脚行走自不乏力，再腫。

雷火神鍼 雷火神針刻罕稀，丁香、藿香、麝香、隨風寒濕毒艱難病，針之患，上効堪推。

治風寒濕毒襲于經絡爲患，浸腫無頭皮色不變，筋骨疼痛，起坐艱難，不得安卧者，用此針之。

蕪艾 三錢 丁香 五分 麝香 二分

藥與蕪艾揉和，先將夾紙作筒如指，麤大用艾藥，置紙和寔收用，臨用以背山紙七層平放，患上將針點着，一頭對患，向紙捺寔，待不痛方起針，病甚者再復一次。

七日後火瘡大發，自取功效矣。

追風逐濕膏 逐濕膏中川草烏 麻藤星杜半草圖 羌辛芷木歸蒼發 大黃獨活共相扶

治風寒暑濕相傷，以致骨節疼痛，筋攣不能步履，或

麻木濕痺等症，並効。

蒼發草 麻黃 川烏 草烏 風藤

半夏 南星 羌活 草麻子 打碎 桂枝 各三兩

獨活 細辛 當歸 白芷 蒼朮

大黃 各二兩

以上藥各切咀片，用蔥汁薑汁各二碗拌藥，先浸一宿，次日用香油八斤同藥入鍋內，慢火煎至葱薑二

汁將乾不報時油方與藥相煎渣枯為度細絹濾清
每油一斤下飛過炒丹十兩為准配用再將前油入
鍋內煎滾以油滴水成珠不散方下黃丹徐徐攪入
其膏已成再下礬淨松香淨末一斤四兩再同蒸化
取下鍋來以盆頓穩再下乳香木香胡椒輕粉各末
二兩白芥子細末四兩漸入攪勻傾入鉢內盛貯漸
用熱湯頓化綾段攤貼七日後諸病可痊百發百中

附骨疽應用方

保安萬靈丹

見癰疽
腫瘍門

十全大補湯

見潰
瘍門

小柴胡湯

見癰
腫門

腸癰

腸癰論第二十八

夫腸癰者皆濕熱瘀血流入小腸而成也又由來有三
一男子暴急奔走以致腸胃傳送不能舒利敗血濁氣壅
遏而成者一也二婦人產後體虛多臥未起坐又或
坐草艱難用力太過育後失逐敗瘀以致敗血停積腸
胃結滯而成者二也三饑飽勞傷擔負重物致傷腸胃
又或醉飽房勞過傷精力或生冷並進以致氣血乖違
濕動痰生多致腸胃痞塞運化不通氣血凝滯而成者
三也總之初起外症發熱惡風脈芤而數皮毛錯縱腹
急漸腫按之急痛大便墜腫小便澀滯若淋甚者臍突

腹脹轉側水聲此等並見則內癰已成也初起未成時
小腹殷殷作痛儼似奔豚小便淋瀝者當大黃湯下之
瘀血去盡自安體虛脈細不敢下者活血散瘀湯和刺
之已成腹中疼痛脹滿不食便淋刺痛者薤白湯主
之腹濡而痛小腹急脹時時下膿者毒未解也用牡丹
皮湯治之如膿從臍出腹脹不除飲食減少面白神勞
此皆氣血俱虛宜八珍湯加牡丹皮肉桂黃芪五味子
飲而補之如積糞日久因循不識此症悞作脹病治之
以致毒攻內臟腸胃受傷或致陰毒攻爛腐爛黑斑色
敗無膿每流污水腹連陰痛煩燥不止身熱口乾衾幃

多臭卧房難進者凡犯之俱為不治也宜斟酌之

腸癰看法

初起小腹疼痛小便不利六脈微緩不作寒熱者輕已成
小腹腫而堅硬小便數而不利六脈洪數者險已潰時時
下膿裏急後重日夜無度疼痛不減者重潰後膿腥臭穢
或流敗水濁瘀虛熱更增不食者死

腸癰治法

初起小腹疼痛或軟或硬脈芤數者瘀血也宜下之小腹
作痛有塊大便秘澀小便如淋者宜和而利之已潰時時
下膿復痛不止飲食無味者宜托而補之產婦惡露不盡

流注小腸作痛脉數者宜和而導之腹脹日久臍高突出
轉側嚮如水聲臍內蓄急針之

腸癰治驗

一男子小腹脹痛裏急後重時時下膿醫作痢疾治之愈
重胗之脉乳而數此小腸癰也以苡仁湯一服下膿升
許隨不墜重更以牡丹皮散六服而安

一幼婦產後月餘腹中漸痛腫脹如蠱內醫紛紛認爲蠱
病又月餘沉重昏憤彼家已棄不治請予視章稚瘡恙
偶言此予討胗之彼時人雖昏憤不醒胗之其脉細數
有力此內癰膿病也猶似不妨彼家曰無生之理予曰

腹腫上見而按之決其生何如隨視腫皮緊急光亮
臍下大熱此內癰不妨乃萬無一失之病彼家懽悅分
付先備淨桶用滾湯半桶蓋之聽用先以薏苡仁湯加
酒炒大黃二錢徐徐灌服待腹中覺痛搭起患者坐桶
上熱氣薰蒸其膿下如湧泉連湯與膿約共滿桶其患
卽甦更服八珍湯加牡丹皮五味子調理月餘而安
一婦人小腹腫痛小便如淋胗之脉緩而乳此得之行經
時慢食生冷又兼惱怒肝火急駁瘀血而成內癰膿尚
未成也以大黃湯下之瘀血出盡而安
一婦人小產瘀血未盡勞動之早小腹內外腫痛月餘太

便秘燥小便澀滯口燥咽乾煩悶不睡內醫調理其病
日重偶見問之予曰恐內癰也請視脈數寔而有方此
腸癰已成用**薏苡仁湯**加大黃一服下膿數碗脹痛頓
退外腫堅硬不散仍熯作痛此欲潰膿從外泄也以十
全大補湯三服膿脹痛而針之更服**八珍湯**加牡丹皮
五味子月餘而斂

一婦人腹脹如鼓臍突寸許小水澀滯轉側腹有水聲此
內膿已成用針刺臍上突頂出膿盆許以**牡丹皮散**五
六劑其膿漸少朝以**八味丸**暮以**八珍湯**加澤瀉牡丹
皮黃芪破故紙服之月餘而愈矣

腸癰治方

大黃湯

大黃湯中用枳朮 丹皮白芥不相饒
加上桃仁病即消 腸癰脹痛自然調

治腸癰小腹堅硬如掌而熱按之則痛肉色如故或
熯赤微腫小便頻數汗出憎寒脈緊實而有方日淺
未成膿者宜服之

大黃 枳朮 各一錢 牡丹皮 白芥子

桃仁 各二錢

水二鍾煎八分食前或空心溫服

活血散瘀湯

活血散瘀湯赤芍 芍歸蘇木與丹皮
瓜蒌枳殼桃仁等 檳榔加上大黃隨之

治產後惡露不盡或經後瘀血作痛或暴急奔走或

男子杖後瘀血流注腸胃作痛漸成內癱及腹痛大便燥者並宜服之

川芎 歸尾 赤芍 蘇木 牡丹皮

枳殼 瓜蒌仁去皮尖 桃仁去皮尖 檳榔六分

大黃酒炒二錢

水二鍾煎八分空心服渣再煎服

牡丹皮散

牡丹皮散芍參菝 茯苓薏苡牡丹皮 甘草白芍並歸等 桃仁官桂木香宜

治腸癰腹濡而痛以手重按則止或時時下膿

人參 牡丹皮 白芍 茯苓 黃芪

薏苡仁 桃仁 白芷 當歸 川芎各錢

甘草 官桂各五分 木香三分

水二鍾煎八分食前服

七賢散

七賢散內參山藥 黃肉丹皮熟地黃 茯苓還存黃芪菝 姜棗同煎理內傷

治腸癰潰後疼痛淋瀝不巳或精神減少飲食無味面色痿黃四肢無力自汗盜汗睡卧不寧

茯苓 山藥 牡丹皮 山茱萸 熟地黃

人參各一錢 黃芪二錢

水二鍾煨薑二片大棗二枚煎八分食前服

失笑散

失笑散用五苓脂 還存黃黃相更隨 心腹諸疼併痲痛 吞之即愈可乘嗜嗜

治產後心腹絞痛欲死或血迷心竅不省人事及尋

常腹內瘀血或積血作痛又婦人血氣為病作痛之聖藥也及治男子諸疝疼痛不巳者

五靈脂 蒲黃 俱炒等分

右為細末每服三錢醋一合調稠熬數滾入水一鍾煎七分食前連藥服用醋為丸每服二錢淡醋湯下治前症亦妙

排膿散

排膿散內用黃芪 白芷 芍藥 山甲 宜 金銀花 與 蔓仁 等 防風 加上 効 堪 推

治腸癰小腹脹痛脉滑數裏急後重時時下膿

黃芪 當歸 金銀花 白芷 川山甲

防風 川芎 瓜蔓仁 各一錢

水二鍾煎八分食前服或為末每服二三錢食後密

湯調下亦可

瓜蔓子湯

瓜蔓子湯 薏苡仁 桃仁 丹皮 共此呈 產後惡露併瘀血 腸胃停來用此清

治產後惡露不盡或經後瘀血停滯腸胃作痛縱非是癰服之亦効

薏苡仁 四錢 桃仁 牡丹皮 瓜蔓仁 各二錢

水二鍾煎八分食前併空心服

薏苡仁湯

薏苡仁湯 功效 奇 腸癰 腹痛 最 堪 推 桃仁 加上 瓜蔓子 白芍 丹皮 在 後 隨

治腸癰腹中疼痛或脹滿不食小便澀滯婦人產後多有此病縱非癰服之尤効

薏苡仁 瓜蒌仁 各三錢

白芍 錢一 牡丹皮

桃仁 去皮尖 各二錢

水二鍾煎八分空心服

應用方

八珍湯

十全大補湯

八味丸

俱見瀆湯門

臟毒論第二十九

夫臟毒者醇酒厚味勤勞辛苦蘊毒流注肛門結成腫塊其病有內外之別虛寔之殊發于外者多寔多熱脈數有力肛門突腫大便秘結肚腹不寬小水不利甚者肝

臟毒

門肉泛如龜孔頭緊閉此為外發屬陽易治宜四順清涼飲內消沃雪湯通利大小二便痛甚者珍珠散人中白散搽之膿脹痛者針之發于內者屬陰虛濕熱滲入肛門內臟結腫刺痛如錐小便淋瀝大便虛秘咳嗽生痰脈數虛細寒熱往來遇夜尤甚此為內發屬陰難治宜四物湯加黃柏知母天花粉甘草兼以六味地黃丸調治候內臟膿出則安又有生平情性暴急縱食膏粱或兼補術蘊毒結于臟腑火熱流注肛門結而為腫其患痛連小腹肛門墜重二便乖違或瀉或秘肛門內蝕串爛經絡污水流通大孔無奈飲食不食作渴之甚先

犯此未得見其有生又有虛勞久嗽痰火結腫肛門如粟者破必成漏瀝盡氣血必下此二症乃內傷之故非藥可療不可治也

臟毒看法

初起腫痛紅色光亮疼痛有時肛門不墜便和者易已成
焮赤腫痛發熱不渴小便不數展轉自便者順已潰膿稠
色鮮不臭焮腫漸消疼痛漸減能食者順潰後膿水漸止
新肉易生不疼多痒瘡口易乾者順初起堅硬漫腫內臟
閉痛小便頻數大便秘結者險已成疼痛日甚腫連小腹
肛門閉緊下氣不通者重已潰臭水淋漓疼痛不減腫仍

不消身熱唇焦者逆

臟毒治法

初起寒熱交作大便墜痛脈浮數者宜用輕劑解散已成
內熱口乾大便秘結脈沉實而有方者當下之肛門腫痛
常欲便而下墜作痛者導濕熱兼瀉邪火肛門焮腫疼痛
小便澀滯小腹急脹者清肝利小便出膿腥臭疼痛不減
身熱者養血健脾胃更兼參濕膿水清稀脾胃虛弱不能
收斂者滋腎氣補脾胃

臟毒治驗

一男子肛門腫突紅紫痛甚以內消沃雪湯二服大便已

通數次疼痛稍減外腫上以珍珠散清蜜調搽早晚二
次其腫漸消更服涼血地黃湯而愈

一婦人產後用力太過肛門墜腫疼痛之甚先以枳殼紫
蘇煎湯薰洗後以珍珠散加水片猪脊髓調搽內以四
物加升麻蒼朮丹皮枳殼服之而消

一男子夏月好飲火酒熱毒流人肛門結腫堅硬形色紫
黑墜痛便秘以黃連解毒湯加大黃枳殼一劑便通疼
痛稍止又以四物湯公前湯數劑其腫漸消存堅腫粟
大散以臍連丸服至月餘而愈

一婦人肛門腫突堅硬痛極用攻利解毒藥俱不應以神

燈照法照之早晚二次其疼左減以蟾酥錠磨膿塗之
堅硬漸腐為膿仍服內消沃雪湯二劑便通疼痛苦減其
大半又以四湯加黃柏知母厚朴蒼朮外以珍珠散加
水片猪髓調搽月餘而平

一男子素有痔便血常欲脫肛一朝肛門墜重不收腫
痛突起光亮紫色此濕熱流注結腫固難收入以黃連
除濕湯一劑外用珍珠散加水片清蜜調塗其腫痛漸
減後以補中益氣湯加生地黃連蒼朮天花粉牡丹皮
服之數劑其腫痛漸減而平

一監生素性急暴每縱膏梁因積毒流于大腸內如針刺

外疝不腫常欲後重便則秘結膨乏脈空數而無力此
 真氣不足邪火有餘內臟虧損症也後必難痊辭不可
 治後請別醫用藥月餘肛門內腐敗水無禁復請視之
 予曰決不可療也脈來虛數邪勝正也手掌不澤脾氣
 敗也至夜發熱陰虛火旺敗水無禁幽門已壞面若塗
 脂元氣走散鼻如烟煤肺氣將絕口乾舌燥腎水已竭
 犯此豈有不死之理患者不服強用解毒滋陰藥餌不
 効而死

臟毒主治方

黃連除濕湯

黃連除濕湯 芩朴 防風 甘草 硝黃 萸

蒼朮 陳歸 枳殼 羌活 葛 臟毒懸癰此莫逃

治臟毒初起濕熱流注肛門結腫疼痛小水不利大
 便秘結身熱口乾脈數有力或裏急後重

黃連

黃芩

川芎

當歸

防風

蒼朮

厚朴

枳殼

連翹

甘草

大黃

芒硝

各一錢

水二鍾煎八分空心服

涼血地黃湯

涼血地黃湯 連芍 人參 花粉 茯苓 草

生地 芍歸 白朮 榆 山柎 加上 効應

治臟毒已成未成或腫不腫肛門疼痛大便墜重或
 泄或秘時常便血頭暈眼花腰膝無力者

川芎

當歸

白芍

生地

白朮

茯苓各一錢 黃連 地榆 人參 山梔

天花粉 甘草各五分

水二鍾煎八分食前服

內托黃芪散 內托黃芪散芍歸 川芎山甲共陳皮 臟毒將成此藥醫

治臟毒已成紅色光亮已欲作膿不必內消宜服此

藥潰膿上

川芎 當歸 陳皮 白朮 黃芪

白芍 山甲 角針各一錢 檳榔三分

水二鍾煎八分食前服

黃連解毒湯 見癰疽 腫瘍門

治疔飲法酒縱食膏粱積熱流入大腸致肛門結成
腫痛疼刺如錐堅硬如石宜服

金液戊土丹 見胎 疽門

治臟毒出于驕奢情性慣于急暴烈火猖狂思不如
願水已枯竭火不發泄旺而又鬱鬱而又旺以致肛
門結腫毒攻內臟痛如芒刺熾如火炕臭水淋漓者
宜服此藥免生惆悵也

珍珠散 見下 疔門

治肛門腫泛如縮紅紫急脹堅硬痛極本方加冰片
研極細猪脊髓調塗患上早晚日用二次

應用方

六味地黃丸 見肺癰門

四順清涼飲 見湯潑火燒門

內消沃雪湯

神燈照法

蟾酥錠 俱見腫瘍門

四物湯

補中益氣湯 俱見潰瘍門

人中白散

珍珠散 俱見下疳門

臍連丸 見痔瘡門

痔瘡論第三十

夫痔者乃素積濕熱過食炙博或因久坐而血脈不行又因七情而過傷生冷以及擔輕負重竭力遠行氣血縱橫經絡交錯又或酒色過度腸胃受傷以致濁氣瘀血

痔瘡

流注肛門俱能發痔此患不論老幼男婦皆然蓋有生於肛門之內又突下肛外之傍治分內外各自提防大者若蓮花蜂巢翻花雞冠菱角珊瑚等狀小者如櫻珠鼠尾牛奶雞心核桃蜆肉之形故積毒深者其形異而頑惡毒淺者其形正而平常久則崩潰成漏新則墜腫刺疼甚者糞從孔出血從竅流血日有所傷形容漸有所削若不早治終至傷入因常治法多用針刀砒礮線墜等法患者受之若楚聞此因循都不醫治予療此症藥味數品從火煅煉性即純和百試百驗此方法由來異矣凡療肉痔者先用通利藥蕩滌臟腑然後用鹽

痔散塗入肛門片時內痔自然泛出即用葱湯洗淨搽藥輕者七日重者十日其痔自然枯黑乾硬停止粘藥其時痔邊裂縫流膿換用起痔湯日洗一次待痔落之後換搽生肌散或鳳雛膏等藥生肌斂口虛者兼服補藥其口半月自可完矣外痔者用消毒散煎洗隨用枯痔散照內痔搽法用之背尾至終無異完口百日入房乃吉又至于穿腸久漏者此則另有二方亦具于後以致深患者服之又不用針刀掛線効如拾芥耳

痔瘡看法

初起形如牛疥不腫不紅無癢無痛行走不覺者輕已成

腫痛有時遇勞而發或軟或硬頭出黃水者輕久如雞冠蜂巢蓮花翻花等狀流膿出血不止者重久漏竅通腎腿膿水淋漓疼痛不已糞從孔出者逆

痔瘡治法

初起及已成漸漸大而便澁作痛者宜潤燥及滋陰肛門下墜大便去血時或疼痛堅硬者宜清熱滲濕紫色疼痛大便虛秘兼作痒者涼血祛風疎利濕熱腫痛堅硬後重墜刺便去難者外宜薰洗內當宣利內痔去血登廁脫肛而難上收者當健脾升舉中氣便前便後下血面色痿黃心忪耳鳴者宜養血健脾諸痔欲斷其根必須枯藥當完

其竅必杜房勞乃愈

痔瘡治驗

一男子患痔六年每遇酒色勞役痔則發腫堅硬疼痛十餘日方得稍可彼欲斷其根以枯痔散上至七日外其痔漸黑裂縫至十六日痔枯脫落孔若雞心以生肌散逐日用之內服養血健脾藥而愈

一男子患痔焮腫作痛太便秘燥脈數有力以內疎黃連湯二服便行痛止又以四物湯加芩連枳殼天花粉數劑而腫消更以臟連丸一料而不復發

一男子患痔凡遇勞發腫作痛以枳殼湯薰洗內服防風

秦朮湯數服腫痛頓減令彼常洗前湯每月五六次內與六味地黃丸加黃柏知母服之不發

一男子好飲多慾內痔虛墜下血以四物湯加芩連升麻葛根數服虛墜乃止又以當歸郁李仁湯二劑痔腫亦消更服臟連丸月餘便血亦止又月餘兼節酒色不發大抵醉飽入房經脈橫解或精氣一泄脈絡必虛酒食之毒乘虛流結或淫極強固精氣以致敗精濁血遂傳大腸又或飲食厚味燥濕流注俱成斯疾所受病者燥氣也為病者濕氣也初宜瀉火和血潤燥疎風久宜養血滋陰健脾滲濕治之自愈若不節酒色不慎起居不

戒口味破必成漏久則穿腸串臂穢從孔出臭水淋漓
晝夜無禁凡得此者雖不傷生每苦瘡汚可嘆惜哉

一男子患痔十餘年頭已穿潰未及通腸每發疼痛以三
品一條鎗插至七日痔變黑色瘡邊漸漸裂縫至十五
日脫落以鳳雛膏搽至半月口斂而平

一男子怯弱內痔便血面色痿黃自服涼血止血藥不應
脰之脾脉虛而無力此中氣不足不能統血以補中益
氣湯十餘服精神頓倍便血亦少又以加味四君子湯
兼前湯間服月餘不發大抵此症所致之由不同當究
其因治之如元氣有餘形黑氣盛先糞而後紫血者更

兼脉實有力此屬有餘法當涼血止血藥應自効至若
形體瘦弱而色痿黃先鮮血而後糞者更兼脉虛無力
此屬不足豈可反用涼藥止之致傷脾胃此症若不溫
中健脾升舉中氣其血不得歸原故藥難効遠其根本
也

痔瘡主治方

防風秦艽湯

防風秦艽湯芍歸
換翹槐角山拖殼

芍苓草地黃隨
白芷還兼蒼木宜

治痔瘡不論新久肛門墜重便血作疼者並効

防風 秦艽 當歸 川芎 生地

白芍 赤茯苓 連翹 檳榔 甘草

梔子 地榆 枳殼 槐角 白芷

蒼朮 各六分

水二鍾煎八分食前服便秘者加大黃

提肛散

提肛散內用芎歸參朮芪陳甘草隨升麻柴芩併白芷加上黃連効可奇

治氣虛肛門下墜及脫肛便血脾胃虛弱等症

川芎 歸身 白朮 人參 黃芪

陳皮 甘草 各一錢 升麻 柴胡 條芩

黃連 白芷 各五分

水二鍾煎八分食遠服渣再煎服

加味四君子湯

加味四君子湯木黃芪甘草姜棗等 茯苓扁豆與人參痔瘡脾倦効如神

治痔瘡痔漏下血不止面色痿黃心忪耳鳴脚弱氣乏及一切脾虛口淡食不知味又治中氣虛不能攝血致便血不禁者並効

人參 白朮 茯苓 白扁豆 黃芪 灸

甘草 灸各一錢

水二鍾薑一片棗二枚煎八分食前服

當歸郁李湯

當歸郁李湯生地當歸郁李湯生地 大黃澤瀉共秦芫麻仁枳實併蒼朮 皂子相兼用莫逃

治痔大便結燥大腸下墜出血苦痛不能忍者

當歸 郁李仁 澤瀉 生地黃 大黃

枳實 蒼朮 秦芫 各一錢 麻子仁 研一分

皂角 一錢

水二鍾煎八分空心服

芎歸湯

芎歸湯內用芎歸 失血虛羸大得宜 婦人產後虛煩熱 煎膏頃刻脫藩籬

治便血或失血過多婦人產後血虛煩熱 頭眩昏

暈盜汗等症並効

川芎 三錢 當歸 酒拌 五錢

水二鍾煎八分食前服自汗手足冷者加入參二錢

三黃二地湯

三黃二地湯蒼朮 厚朴陳皮白木歸 人參防風兼甘草 地榆澤瀉共烏梅

治腸風諸痔便血不止及面色痿黃四肢無力

生地黃 熟地黃 各一錢半 蒼朮 厚朴

陳皮 黃連 黃柏 黃芩 歸身

白朮 人參 各一錢 甘草 防風 澤瀉

地榆 各六分 烏梅 二個

水二碗煎八分食前服

栗殼散

栗殼散內用歸芪 生熟地黃蒼朮宜 參芩厚朴陳皮草 荷蒂芩升地骨皮

治諸痔作疼及腸風下血諸藥不止者宜服之

栗殼 溫湯河內蘆去蒂 當歸 陳皮

秦艽 黃芪 生地黃 熟地 各一錢 黃柏

黃芩 人參 蒼朮 厚朴 升麻 各六分

荷葉帶 七個 甘草 五分 地骨皮 一錢二分

水二碗煎八分食前服或為細末每服二錢空心溫酒調服

洗痔枳殼湯 洗痔枳殼湯相痛 癩蝦蟆草相成 共

治痔瘡腫痛肛門下墜毋論新久洗之痛自消

癩蝦蟆草 一名荔枝草四季常有而青 枳殼 二兩

河水二瓢同上二味煎數滾先薰後洗良久湯留再

熱薰洗甚者三次即消洗淨當搽後藥

五倍子散 五倍子散蝦蟆草 加上輕粉水片好 痔瘡腫痛及墜疼 用之搽上如同掃

治諸痔舉發堅硬疼痛難忍或臍毒肛門泛出腫硬

不收亦効五倍子大者敲一小孔用陰乾癩蝦蟆草

搽碎填塞五倍子內用紙塞孔濕紙包煨片時許取出待冷去紙碾為細末每有一錢加輕粉三分水片五厘共研極細待前湯洗後用此乾搽痔上即睡勿動其腫痛即除凡外痔用一方搽洗亦可除根永不

再發極効極効

田螺水 田螺水治痔瘡疼 水片加之効 聖聞 脫肛諸痔雖難愈 將末一掃効如神

治痔瘡堅硬作痛及脫肛腫泛不收者並用之以大

田螺一枚用大冰片五厘研末用尖力挑起螺蓋將

冰片入內平放片時待螺滲出漿水用雞翎蘸搽患

處勤勤掃之其腫自然消散

換痔散

換痔散中刺蝟皮 草烏鹽射共能醫
枯礬水片同研末 津唾調搽痔出齊

凡醫內痔不得出用此藥填入肛門其痔即出

草烏生用一錢燒存性 枯礬五錢 食鹽炒三錢

麝香五分 冰片二分

右碾細末先用溫湯洗淨肛門隨用津唾調藥三錢

填入肛門片時痔即當出去藥上護痔膏

護痔膏

護痔膏中用石膏 黃連水片射香饒
還加白芨同為末 蛋白相調勿豈逃

用換痔散痔出之後先用此藥圍護四邊好肉

白芨 石膏 黃連各三錢 冰片 麝香各二分

右碾細末雞蛋清調成膏護四邊好肉方上枯痔散

枯痔散

枯痔散內用白礬 蟾酥輕粉共研良
再用童子天靈蓋 枯痔方中効豈凡

凡痔瘡泛出即用此藥塗之年淺者五七日年深者

八九日待痔乾黑後不用此藥每日用落痔湯洗之

白礬二兩 蟾酥二錢 輕粉四錢 砒霜一兩

天靈蓋四錢用青線水浸以大靈蓋煨紅水內浸煨七次

共研極細末入小新鐵鍋內上用鹿磁碗密蓋鹽泥

封固炭火煨至二炷香待冷取開將藥研末搽痔上

每日辰午申三時用溫湯洗淨上藥三次上至七八

日其痔枯黑堅硬任藥裂縫待其自落換洗起痔湯

起痔湯

起痔湯中芩柏連 大黃荆芥苦參前
防風甘草山梔等 枳殼楸角共相煎

治諸痔上枯藥之後黑色堅硬裂縫宜此藥洗

黃連 黃柏 黃芩 大黃 防風

荆芥 枝子 槐角 苦參 甘草 各一兩

朴硝 五錢

已上藥分作三次用水煎洗待痔落之後換搽生肌

散

生肌散 生肌散乳香沒藥 海螵蛸龍骨黃丹

治痔上枯藥之後脫落孔竅不收者宜用此搽

乳香 沒藥 各一兩 海螵蛸 水煮五錢 黃丹 飛炒四錢

赤石脂 煨七錢 龍骨 煨四錢 血蚶 三錢 熊膽 四錢

輕粉 五錢 冰片 一錢 麝香 八分 珍珠 煨二錢

共研極細末磁確收貯早晚日搽二次膏蓋漸斂而

平

洗痔腫痛方 洗痔腫痛方朴硝 魚腥苦棟不相饒

魚腥草 苦棟根 朴硝 馬齒莧

瓦楞花 各兩

水十碗煎七八碗先薰後洗諸痔腫痛可消

人中白散 見口疳門

治諸痔腫痛堅硬墜重脫肛等症先用溫湯洗淨隨

後搽藥患上節時勿動其腫痛漸減此藥常有便干

痔故附錄而用之

三品一條鎗見瘰癧

治十八種痔漏凡用藥線插入痔孔內早晚二次初時每次插藥三條四日後每次插藥五六條上至七八日藥力滿足痔變紫黑方住種藥候痔四邊裂縫流膿至十四日期滿痔落用甘草湯洗淨換搽鳳雛膏或玉虹膏俱可生肌收斂虛弱者兼服養血健脾之藥最為穩當太抵醫人能取痔者皆此方也不可輕其藥而棄之

生肌鳳雛膏

生肌雞卵鳳雛膏血蚶再加白龍骨

乳香輕粉不相饒生肌長肉發生黃

用雞蛋煮熟去白用黃十餘箇銅杓內熬油傾入盞內約油二錢加輕粉細末一錢乳香血蚶龍骨各末五分共入油內和勻每日早午晚雞翎蘸塗患孔內膏蓋避風深者半月可以完口

煮線方

煮線方中用壁錢 莞花二味共相煎 白絲搗線將同煮 請痔瘻瘡用此損

治諸痔及五癭六瘤凡帶小而頭面大者宜用此線繫其患根自効

莞花 五錢 壁錢 二錢

用白色細扣線三錢同上二味用水一碗盛貯小磁罐內慢火煮至湯乾為度取線陰乾凡遇前患用線

一根患大者，二根雙扣繫於根帶兩頭留線，日漸緊之，其患自然紫黑冰冷，不熱為度。輕者七日，重者十五日後必枯落。後用珍珠散收口，至妙。

臟連丸

臟連丸本黃連，同搗為丸，溫酒服。治痔無論新久，但舉發便血作痛，肛門墜重者，黃連淨末八兩，用公猪大臟盡頭一段長一尺二寸，溫湯洗淨，將連末灌入臟內，兩頭以線扎緊，用煮酒二斤，半砂鍋內煮，酒將乾為度，取起臟藥，共搗如泥，如藥爛，再晒一時許，復搗丸，如桐子大，每服七十九空心溫酒送下，久服除根。

治痔無論新久，但舉發便血作痛，肛門墜重者，黃連淨末八兩，用公猪大臟盡頭一段長一尺二寸，溫湯洗淨，將連末灌入臟內，兩頭以線扎緊，用煮酒二斤，半砂鍋內煮，酒將乾為度，取起臟藥，共搗如泥，如藥爛，再晒一時許，復搗丸，如桐子大，每服七十九空心溫酒送下，久服除根。

胡連追毒丸

胡連追毒丸，來異方，痔漏通腸効，罕稀。

治痔漏不拘遠年近日，有漏通腸，污從孔出者，先用此丸追盡膿毒，服後丸藥自然取効，最穩。

胡黃連

一兩切片，刺蝟皮一兩，炙黃為末，麝香二分。

軟飯為丸，麻子大，每服一錢，食前酒下，服藥後膿水

反多是藥力到也，勿懼之。

黃連閉管丸

胡連閉管丸，窺鼻，得此之功，難上，難。

胡黃連

淨末一兩，川山甲麻油內，煮黃色。

槐花

微炒各末五錢

煉蜜丸，如麻子大，每服一錢，空心清米湯送下，早晚

日進二服至重者四十日而愈此方不用針力掛線
不受苦楚誠起痼疾之良方也如漏之四邊有硬肉
突起者加蚕繭二十箇炒末和入藥中此及遍身諸
漏皆効

應用方

內疎黃連湯

見腫瘍門

補中益氣湯

四物湯

俱見潰瘍門

陸味地黃丸

見肺癰門

下疳論第三十一

下疳者邪淫慾火鬱滯而成其來有二一由男子慾念萌
動陽物興舉淫火猖狂而未經發泄者以致敗精濁血

下疳

正流滯中途結而為腫者一也二由婦人陰器瘀精濁氣
未淨接與交媾以致淫精傳襲而成者二也三由房術
熱藥塗抹玉莖洗捺陰器與助陽火煽動陰精僥倖不
衰久頓不泄多致火鬱未發而成者三也男子萌念火
鬱之症初起先必澀淋小便溺痛次流黃濁敗精陽物
漸損甚則腫痛腐爛法當疎利肝腎邪火如八正散清
肝導滯湯之類是也婦人陰器不潔初起先從皮腫光
亮甚如水晶皮破流水腫痛日生痒麻時發治當解毒
消風如龍膽瀉肝湯兼平胃散合而用之男婦房術所
傷蘊毒所致初起陽物痒痛堅硬紫色疙瘩漸生腐爛

漸作血水淋漓不時與舉治當渴火解毒如黃連解毒湯蘆薈丸之類是也外以銀粉散珍珠散人中白散選用又有先發時瘡快用薰條擦藥結毒於此者詳註結毒門

下疳看法

初起不紅不腫睡不舉陽玉莖微損小水自利者輕已成微熱微腫皮色光亮小便赤色更兼白濁者平已損肉色紅赤嫩無堅腫小便不疼大便不秘者可初起小便淋漓次損陽物堅硬作疼腐爛漸開者險已成腐潰內攻傷損玉莖色紫無膿疼如針刺者重

下疳治法

初起腫痛發熱小水澀滯肝經濕熱也宜瀉肝滲濕腫痛堅硬焮發寒熱口燥咽乾大便秘者通利小便玉莖腫痛小便如淋自汗盜汗時或尿血清心滋腎莖竅作痒時出白濁發熱口乾津液少者益腎清心潰後腫痛小便赤澀則安靜夜則疼甚滋陰瀉火潰爛不已腫硬又作疼痛日深穢氣不回清肝解毒

下疳治驗

一童子十五歲玉莖腫痛外皮浮腫比常處大一倍他醫治之以解毒清肝等藥愈腫愈痛予視之亦用瀉火清

熱滲濕等劑俱不見効，診之脈細數而無力，此中氣不足，脾經濕水乘虛流注，停聚不散，當行從治法也。以四物湯合平胃散，加木香、熟附子、人參各五分，一服腫痛頓退，又四五服而全消。

一男子腫痛發寒熱，以荆防敗毒散二劑而退，又以龍胆瀉肝湯，腫痛亦減，用四物加黃柏、知母而消。

一男子年四十，色慾過度，小便澀痛，出如白漿，結瘰成塊，此腎傷濕熱為患。朝以八味丸，午用八珍湯，加山黃、牡丹皮、黃柏、知母，服之月餘，而澀痛亦退，小便漸清，但竅中常有滑精，不時滲出，久致腰灣脚膝無力，偶以三因

勝駿丸服至月餘前症悉愈

一男子莖頭腐爛，小便澀痛，外以珍珠散，內服木通湯四服，澀痛亦止，更服四物湯加黃柏、花粉，而痊。

一男子初婚，玉莖傷損，出血疼甚，先以葱湯浸洗良久，隨用珍珠散加冰片，搽之，腐皮漸乾，痛亦漸止，內服四物湯加木通、山梔，四服其腫痛漸止而愈。

一男子皮腫光亮發熱，疼甚，外敷如意金黃散，內服龍膽瀉肝湯，加大黃，便通稍愈，去夫黃，又服而消。

下疳主治方

清肝導滯湯

清肝導滯湯 聖藥

滑石 甘草 併扁蓄 燈心 為引 空心服

大便秘之加大黃

治肝經濕熱玉莖腫痛小水澀滯作疼者服之

扁蓄 四錢 瞿麥 三錢 滑石 二錢 甘草 一錢

大黃 一錢 秘加

水二鍾燈心二十根煎八分空心服

龍膽瀉肝湯

龍膽瀉肝湯地黃車前澤瀉木通當歸黃芩梔子甘草等濕用黃連秘大黃

治肝經濕熱玉莖患瘡或便毒懸癰小便赤澀或久

潰爛不愈又治陰囊腫痛紅熱甚者並効

龍膽草 連翹 生地黃 澤瀉 各一車前子

木通 歸尾 山梔 甘草 黃連

黃芩 各五分 大黃 二錢 秘加

水二鍾煎八分食前服

清肝滲濕湯

清肝滲濕湯木香木通當歸甘草木香同

治陰囊玉莖濕腫如猪肚小水不利墜重作痛

蒼木 白朮 茯苓 山梔 厚朴

澤瀉 陳皮 木通 天花粉 昆布 各一錢

甘草 五分 木香 三分 川芎 當歸 各六分

作熱紅色加黃連龍膽草各七分

水二鍾煎八分空心服

清心蓮子飲

清心蓮子飲黃芩甘草佛澤瀉赤伏人參地骨皮

治心經蘊熱小便赤澀玉莖腫痛或莖竅作疼及上

盛下虛心火炎上口苦咽乾煩燥作渴又治虛陽口乾小便使白濁夜則安靜晝則發熱者

石蓮肉 黃芪 黃芩 赤茯苓 人參 各一錢

炙甘草 澤瀉 麥門冬 地骨皮 各五分

水二鍾煎八分空心併食前服

八正散

八正散中用木通 車前瞿麥大黃口扁蓄山柅併滑石 加之甘草効無窮

治肝經積熱小便淋閉不通及一切淋病俱効

大黃 車前子 瞿麥 扁蓄 山柅

木通 甘草 各一錢 滑石 一錢

水二鍾煎八分食前服

解毒木通湯

解毒木通湯 枳殼 瞿麥 滑石 併甘草 還用燈心作引煎

治男婦房術熱藥所傷致五莖陰戶痒痛小便澀滯

白濁滑精至夜陽物興舉不得眠者服之

木通 黃連 龍膽草 瞿麥

山柅 黃柏 知母 各一錢 薈蘆 甘草 各五分

水二鍾燈心二十根煎八分食前服

薈蘆丸

薈蘆丸中用二連 蕪荑 鶴虱 共雷丸 青皮 麝香 同 餅糊丸 來 共此全

治下疳潰爛作痛又治婦人陰蝕瘡作痒及小兒肝

積發熱口鼻生瘡牙齦蝕爛等症

胡黃連 黃連 薈蘆 白蕪荑 青皮

白雷丸 鶴虱草 各一兩
麝香 一錢
木香 三

右為末蒸餅糊丸如麻子大每服一錢空心清米湯

下

銀粉散

銀粉散効真罕稀錫炒硃砂効不微
輕粉水銀併煨粉下痔結毒敢相違

治下疳母論新久但腐爛作痛及楊梅瘡薰後結毒
玉莖腐爛或湯物半傷半全者並宜用之好錫六錢
化開入硃砂末二錢攪炒砂枯去砂留錫再化開投
水銀一兩和勻傾出聽用杭粉一兩研細鋪紙上捲
成一條一頭點火煨至紙盡為度吹去灰用粉同前
永錫加真輕粉一兩共成一家研細凡遇前患先用

煎甘草湯淋洗挹乾隨用此藥搽至止痛生肌收斂極

妙

珍珠散

珍珠散効實堪誇
諸腫諸瘡諸痛疾
輕粉還兼
子花

治下疳皮損腐爛痛極難忍及諸瘡新肉已滿不能

生皮又湯潑火燒皮損肉爛疼痛不止者

青缸花

五分如無用頭力
靛花輕虛色

珍珠

一錢不論大小以新白為上入豆
腐內煑數滾研為極細無聲方用

真輕粉

右三味共研千轉細如飛麴方入確收凡下疳初起
皮損搽之即愈腐爛疼痛者甘草湯洗淨猪脊髓調

搽如諸瘡不生皮者用此乾摻即可生皮又婦人陰
蝕瘡或新嫁內傷痛甚者亦可此搽極効湯潑火燒
痛甚者用玉紅膏調搽之

疔瘡簡便方

用油透羅段舊帽沿燒灰枕粉瓦上煨黃色各等分
共研極細磁確收貯先用紅棗十五個甘州三錢煎
湯溫洗患上搥乾搽藥即効

太乙膏

見腫瘍門

治玉莖皮損疼痛不止者用此貼之其疼即止

應用方

四物湯

八味丸

八珍湯

俱見潰瘍門

三因勝駿丸

見附骨疽門

魚口便毒論第三十二

夫魚便者左為魚口右為便毒總皆精血交錯生於兩膝
合縫之間結腫是也近之生于小腹之下陰毛之傍結
腫名曰橫痃又名外疔是也得之入房忍精強固不洩
或慾念已萌停而不遂以致精血走動凝滯結而為腫
治當散滯行瘀通利大小二便九龍丹山甲內消散是
也七日已後服之根本堅固恐其作膿宜用火針法刺
之亦妙已出膿者十全大補湯服之庶易收斂遲則恐

生別症難愈

魚口便毒看法

初起結腫不紅微熱行走稍便無寒熱交作者為輕已成紅赤腫痛發熱焮疼舉動艱辛至夜尤甚者易已潰膿稠肉色紅活腫消痛止新肉易生作痒者順初起結腫堅硬如石牽強刺疼起坐不便寒熱者重已潰腐爛腫痛不減膿水清稀孔深口大不斂者險

魚口便毒治法

初起漫漫結腫疼痛兩胯牽強身發寒熱宜散表邪已成堅硬發熱疼內熱口乾大小便秘宜通利之發散疎

利之後腫痛仍作欲其作膿宜用托裏消毒散腫發熱疼痛日久急脹苦甚內膿已成宜急開之已潰之後膿水不乾新肉生遲不斂健脾胃補氣血

魚口便毒治驗

- 一男子左胯腫痛身發寒熱脈弦而數以人參敗毒散一劑表症悉退次以山甲內消散二劑而痊消
- 一男子橫痃腫痛堅硬二便澀滯以九龍丹一服通利大便腫痛稍減間日又用一服二便通利而消
- 一男子患此十餘日形勢已成疼痛甚因公事急出不能行走以火針法針之出紫血鍾許外用膏貼拔出微

膿服托裏消毒散而便可行亦且速愈

一男子潰而口大不斂此先泄藥之過也以十全大補湯加澤瀉丹皮十餘劑外搽玉紅膏月餘而斂

一男子先出疔瘡久之不愈後發橫痃十餘日始生腫痛予欲托裏潰膿以泄毒氣彼欲內消自服槐花酒蜈蚣全蝎等藥腫未得消元氣已損轉致筋骨疼痛舉動艱辛仍復請治形體瘦弱脉虛而數此真元受傷邪氣從之雖當補養後必欲發時瘡方愈彼不為信自仍服敗毒消風等藥元氣愈虛飲食不進筋骨疼甚徹夜不睡又復請治先用補中益氣湯倍參芪六服元氣稍醒又

以八珍湯加麥門冬五味子遠志酸棗仁牡丹皮十餘服夜間方睡惟疼痛不能大減此內虛瘡毒下陷故難取效朝以六味九午服十全大補湯又十餘服遍身方發紅點此瘡毒欲出仍服前藥紅點漸高始成瘡樣彼時瘡毒一出疼痛頓減元氣漸復更服八珍湯加米仁銀花土茯苓服至半年其瘡方得漸漸而痊彼悔執方治病之尤始信因病用方之妙

魚口便毒主治方

山甲內消散

山甲內消散大黃

加上姜蚕甘草當

治魚口便毒騎馬癰橫痃等症初起未成膿者

大驚牽牛同協入

魚口便毒自無妨

五

當歸稍 甘草節 大黃各三錢 穿山甲 炒三片

疆蠶 黑牽牛 各一錢 土木鱉 三箇

水酒各一碗煎入分空心服渣再煎服大便行三四次

方吃稀粥淡味飲食為妙

九龍丹 九龍丹藥真堪羨 血衄兒茶乳涉煉 木香巴豆等分同 魚便橫痃立消見

治魚口便毒騎馬癰橫痃初起未成膿者服之

兒茶 血衄 乳香 沒藥 巴豆 不上油

木香

右各等分為末生蜜調成一塊磁盒盛之臨時旋丸安豆大每服九九空心熱酒一杯送下行四五次方吃稀

粥腫甚者間日再用一服自消

紅花散瘀湯 紅花散瘀湯蘇木 翹貝姜蚕乳决明 歸尾大黃角針等 牽牛山甲酒煎行

治入房忍精強固不泄以致瘀精濁血凝結兩胯或小

腹之傍結成腫痛小水澀滯者並服之

當歸尾 皂角針 紅花 蘇木 疆蠶

連翹 石决明 穿山甲 乳香 貝母 各一錢

大黃 三錢 牽牛 二錢

水酒各一碗煎入分空心服行五六次方吃稀粥補之

黃芪內托散 黃芪內托散芍歸 白木銀花澤瀉隨 花粉角針與甘草 魚口便毒此能醫

治魚口便毒橫痃等症已成不得內消者服之

當歸 黃芪 白朮 金銀花

天花粉 皂角針 甘草 澤瀉

水二鐘煎八分食前服

玉紅膏 見潰瘍門

治魚口便毒橫痃腐潰白不合者用此搽之効

火針法 火針之法申來異勝如服藥併奇治將針一點破皮囊腫消痛止隨游戲

治魚口便毒橫痃等症用行藥不得內消者用麤線針

二條將竹筋一頭劈開將針離分半許夾在筋頭內以

線扎緊用桐油燈盞內貯之燈草五根排入油內點着

用針蘸油燒紅向患頂重手刺入五六分隨出或血或

膿以膏蓋貼即得輕便以後漸愈虛者兼服十全大補湯完口

應用方

托裏消毒散 見腫瘍門 十全大補湯 補中益氣湯

八珍湯 俱見潰瘍門 六味地黃丸 見肺癰門

囊癰論第三十三

夫囊癰者乃陰虛濕熱流注於囊結而為腫至潰後罌丸懸掛者猶不傷人以其毒從外發治當補陰清利濕熱取効者十有八九近時人悞用疝家熱藥多致熱甚為膿慮難收斂初宜龍膽瀉肝湯稍久滋陰內托散外敷

囊癰

如意金黃散俱可內消又一種水疔皮色光亮無熱無紅腫痛有時內有聚水宜用針從便處引去水氣則安如腫痛日久內膿已成脹痛者可即針之內服十全大補湯加山茱萸牡丹皮澤瀉治之間以六味地黃丸服之亦愈

囊癰看法

初起不紅微腫腎子引痛不作寒熱起坐自便者輕已成紅腫發熱形色光亮疼痛有時飲食有味者順已潰膿稠腫消痛止新肉漸生不痛作痒收斂者吉潰後腐爛囊皮脫落甚者畢丸突出能食不疼者可初起堅硬紫色日夜

痛甚小水不利大便秘泄者重已成堅而不潰頭腐無膿疼痛無時常流血水者重潰後膿口開張腫痛不減身發寒熱睡臥不寧者重

囊癰治法

初起寒熱交作腎子腫痛疼連小腹者宜發散寒邪已成紅腫發熱口乾燥痛小水不利大便秘者利之已潰疼痛不減膿水清稀朝寒暮熱者宜滋陰內托潰後不能收斂日晡發熱飲食減少者宜養血健脾潰後畢丸懸掛不能收斂者當外用生肌內加補托

囊癰治驗

一男子風寒未經發散寒中腎囊作腫痛甚以萬靈丹一服洗浴發汗寒邪頓退又以四物湯加澤瀉蒼朮山柃天花粉外敷如意金黃散數次而痊消

一男子囊腫甚大不熱脹疼按之軟而即起此濕水流注聚而不散以披針導去黃水碗許以導水消腎丸服月餘而腫消又以木香補腎丸服之不作

一男子患此十餘日腫甚脹痛內膿已成針之出膿碗許以十全大補湯加澤瀉丹皮干餘劑而收斂

一老年人素有疝氣因怒傷肝舉發疼痛自服盤葱散熱藥腫痛益甚視之腎囊半邊堅硬皮損紫黑此欲腐爛

見羣丸候也彼不為信尚欲內消請別醫治之內服龍膽瀉肝湯外敷四黃散寒涼等藥堅硬果腐飲食少進虛熱不睡痛甚昏憤又復請治予曰凡病有主末治有權宜初起以藥治疝非疝也凡疝為患小腹作疼牽引腎子多寒少熱好飲熱湯此症乃惱怒傷肝陰虛濕熱為患其囊紅腫發熱小便赤澀內熱口乾墜重作痛此為囊癰之候初宜清利濕熱而返用疝家熱藥已成宜用補陰况又用瀉肝涼劑此年老氣血有虧攻補機關已悞其疾豈有不致危亡者即當養氣血固根本為主而佐以安神定痛之藥接補元氣死生在進退之間尚

可轉也隨以八珍湯加麥冬五味子遠志牡丹皮外以
甘草湯淋洗腐上將已壞黑肉盡行剪落其羣丸已盡
數日後其患得於補力前症漸退飲食漸進外腐已盡
腎子已突大半搽玉紅膏外以膏蓋之長肌漸收調理
半年外而得始安

一男子腫痛十餘日堅硬無膿囊頭腫上紫色作爛此欲
外腐以燻酥錠為末搽上膏蓋三日腐肉脫下搽玉紅
膏太乙膏掩之內服補陰滋腎藥而安

一男子慾後受寒致陰囊牽引小腹作痛惡寒發熱胛之
脉緊數而無力以五積散一服寒熱乃退痛亦稍止更

以八珍湯加肉桂丹皮澤瀉數服而愈

囊癰主治方

清肝滲濕湯

清肝滲濕湯歸地
山梔胆草天花粉

芎芩柴通澤瀉
燈心甘草効如神

治囊癰肝經濕熱結腫小水不利發熱熯痛者

川芎

當歸

生地

柴胡

龍膽草

山梔

天花粉

黃芩

澤瀉

木通

甘草

各五分

水二鍾燈心二十根煎八分食前服

滋陰內托散

滋陰內托散芎歸
角針澤瀉并山甲

白芍還兼熟地芪
囊癰日久服相宜

治囊癰已成腫痛發熱服之有膿即可穿潰也

當歸

川芎

白芍

熟地

黃芪

各一錢半

皂角針

澤瀉

山甲

各五分

水二鍾煎八分食前服

導水消腎丸

導水消腎丸功捷
更加肉桂老米等

茅朮牽牛與木通
打糊丸成建大功

治囊癰內傷生冷外受風寒以致寒濕浸入囊中
小者如升大者若斗皮膚頑厚腸物短縮小便不利不痛多
冷俗稱沙痞是也宜服此藥引導水氣日久漸消終身
不為廢疾也此方常驗

茅山蒼朮

一斤米泔水
浸切片炒黃

木通

半斤

木香

一兩

肉桂

一兩刮
去麋皮

牽牛

一兩
微炒

共為細末陳米粉打糊丸如桐子大每服百粒空心白
滾湯清米湯任下忌生冷麪食此囊雖夏月炎夫亦以
衣被覆之為妙

灸偏墜法

偏墜灸法最多靈
本腎盡頭為多穴

睛自將來仰臥身
安棗七壯自然平

候取天晴不犯人神白患者平身仰臥取木腎子根下
硬梗盡處以墨點記用安豆大艾炷三年之內灸七壯
年多者灸九壯十一壯為止內服木香補腎丸戒食生
冷兼忌房事百日為妙

木香補腎丸

木香補腎丸精地
丁木香香枸杞戟

棗藤蛇菟兔志歸
人參青益杜仲揮

治偏墜一名木腎不疼不痒漸漸而大最為頑疾有妨

行動多致不便但灸後宜服此藥俱可內消此藥功效
 不獨治痲中年後宜服之益壽延年黑髮壯筋填髓明
 目聰耳補腎助元陽調飲食其功不可盡述婦人服之
 顏如童女肌膚瑩潔如玉又精寒血冷久無嗣息者服
 之更妙

淮慶生地四兩酒 兔絲子 肉蓯蓉 黃精

黑棗肉 牛膝 蛇床子微 茯苓 遠志各二兩

大當歸身一兩 丁香三錢 大茴香 木香各一錢

枸杞子一兩 巴戟各一兩 杜仲各一兩 青鹽五錢

共人參五錢

右為細末煉蜜丸如梧桐子大每服六七十丸空心溫
 酒送下又諸痲不常舉發者服之亦宜

如意金黃散見腫瘍門

治囊癰初起紅赤腫痛發熱墜重者用葱湯同蜜調敷
 夏月濕熱紅甚者溫茶湯同蜜調敷

應用方

萬靈丹 大全大補湯 不玉紅膏俱見腫瘍門 蟾酥錠

太乙膏 四物湯俱見潰瘍門 五積散見附骨

龍膽瀉肝湯見下疳門

癰癰論第三十四

癰癰

足少陰腎
大陰脾
厥陰肝

夫懸癰者乃三陰虧損濕熱結聚而成此穴在於谷道之前陰器之後又謂海底穴也初生狀如蓮子少瘳多痛日久漸如桃李赤腫焮痛欲潰為膿破後輕則成漏重則瀝盡氣血變為癩瘡不起者多矣初起時元氣壯實宜用九龍丹瀉去病根稍虛者內消沃雪湯利去濕熱亦有可消者十中三四如十餘日後腫勢已成不得內消宜托裏消毒散加山甲皂角刺服之自破如腫高光亮膿熟不破頭者用針急破之穢膿一出其患易安如膿出之後朝以六味地黃丸午服十全大補湯加牡丹皮澤瀉溫補滋陰又有厚味膏梁氣體壯實者初服龍

膽瀉肝湯瀉服滋陰八物湯以清蘊熱體瘦房勞氣血虛弱者初服八珍湯加澤瀉製甘草瀉後十全大補湯加牡丹皮熟附子脾弱者補中益氣湯以滋化源日久成漏者國老膏化湯吞服蠟礬丸首尾候服寒涼損胃傷脾水凝氣血以致患孔漸開穢膿不止者亦定變成虛羸癆瘵終為難愈

懸癰看法

初起如松子漸大若梅李紅赤腫痛光亮發熱者輕已成高腫作痛根脚不散皮薄易破膿成脹痛者易已潰膿稠而黃氣味不臭焮腫易消痛止作痒者順初起色紫堅硬

根脚漫腫痛連脛膝二便不利者重已成腫如黃瓜紫斑腐爛穢水無膿痛甚氣息者難已潰穢膿不絕瘡口開張肉不紅活虛熱食少者逆

懸癰治法

初起寒熱如瘧喜覆衣被口乾好飲熱湯宜當發散已成焮熱作痛內熱口乾喜冷大便秘澀者微利之日久內膿已成不破頭而脹痛者急針之法當補托潰後膿水清稀虛熱不退腫痛不消者宜滋陰健脾瘡口不斂飲食減少餘腫不消新肉不生峻補脾胃

懸癰治驗

一男子結腫四日作痒微痛以九龍丹一服利五六次其腫漸消又以四物湯加花粉黃柏知母而愈

一男子患此十餘日焮腫作痛至晚發熱尤甚又兼小便不利以龍膽瀉肝湯二服小便稍通微痛不止此欲作膿以托裏消毒散加穿山甲皂角刺澤瀉二服而膿出又以十全大補湯服之月餘而斂

一男子患此腫甚脹痛此內膿已成卽針之出臭膿碗許疼痛頓減以十全大補湯十餘服而飲食漸進焮痛亦消惟瘡口原潰之甚不易完全間用製甘草吞蟻蟻丸外以附子餅灸之調理三月而愈

一男子素有痰火久服降下之藥致此結腫疼痛脉細而數此陰虛濕熱流注而成潰後必難收斂辭不治後果出真膿不禁日漸開大發熱不止飲食不進強以溫中健脾補托氣血藥終至不應而歿

懸癰主治方

滋陰八物湯

滋陰八物湯生地 甘草 川芎 澤瀉等

赤芍 丹皮 花粉 歸心 為引 効堪推

治懸癰初起狀如蓮子紅赤漸腫悠悠作痛者

川芎

當歸

赤芍

生地

牡丹皮

天花粉

甘草節

各一錢

大黃

便秘加一錢蜜炒

澤瀉

五分

水二鍾燈心二十根煎八分食前服

灸粉草膏

灸粉草膏藥二般 製度熬膏好酒服

當歸 甘草 効常堪 懸癰腫痛盡成癰

治懸癰已成服藥不得內消者服之未成者即消已成者即潰既潰者即斂此治懸癰良藥也大粉草四兩用長流水浸透炭火上灸乾再浸再灸如此三度切片甘草三兩當歸身三兩水三碗慢火煎至稠膏去渣再煎稠厚為度每用三錢無灰好熱酒一大杯化膏空心服之最妙

還元保真湯

還元保真湯四物 甘草 黃芪 枸杞 同

參苓 丹皮 併白朮 附子 肉桂 澤瀉 入

治懸癰已潰瘡口開張膿水淋漓不能收斂者

當歸 川芎 白芍 熟地 白朮

茯苓 人參 黃芪 牡丹皮

枸杞子 甘草 熟附子

肉桂 澤瀉

水二鍾煨薑三片大棗二枚煎八分食前服

滋陰九寶飲 滋陰九寶飲考歸 白芍黃連生地隨

治懸癰厚味膏梁蘊熱結腫小水澀滯大便秘結內熱

口乾煩渴飲冷及六脉沉實有力者服

川芎 當歸 白芍 生地 黃連

天花粉 知母 黃栢 大黃 蜜水拌 炒二錢

水二鍾煎八分空心服

應用方

托裏消毒散 見腫 癰門 腎氣丸 見肺 癰門 十全大補湯

四物湯 俱見潰 癰門 八珍湯 補中益氣湯

內消沃雪湯 蠟礬丸 見腫 癰門 龍丹 見魚 口門

龍膽瀉肝湯 見下 癰門 附子餅 見附骨 疽門

腎癰論第三十五

腎癰生於小腹之後位遠僻臭氣亦罕到血亦少來凡生此者濕熱凝滯結聚乃成得此毒必外發庶不內攻初起毒從五臟蘊積者患必有頭紅熱墜重如石內必口

腎癰

乾發熱宜內消沃雪湯通利積熱外以膏貼瘡頂四邊以如意金黃散敷之拔出瘀膿紫血內兼托藥自愈當有不知內服敗毒寒劑外敷涼藥氣血凝滯毒氣不得外發反致內攻其瘡頭軟陷無膿根脚平散不痛內熱口乾煩燥謔語痰喘氣急恍惚不寧者俱為不治但此多從毒積於內自裏至表者十有八九而從風寒暑濕自外至裏者百中一二既出而復入裏者終為死候

臀癰看法

初起有頭紅赤腫痛頂高發熱根脚高聳者為易治已成焮腫發熱疼痛有時皮薄光亮色紅易膿為順已潰膿稠

而黃色如猪腦腫消痛止起坐自便者易初起粟米形或黃泡一點平塌作痒根脚散漫者重已成色紫堅硬臀腿俱腫小便澀滯日久無膿者險潰後無稠膿頂空根軟塌手按不知疼神昏無治法

臀癰治法

初起惡寒體倦喜覆衣被脉浮緊而在表者微散之已成內熱口乾好飲冷物小便澀而大便秘者通之頂高色赤焮痛發熱疼痛有時者宜托裏更兼解毒腫已高而作疼膿已熟而不破脹痛難忍宜即針之潰後堅硬不消膿水不止飲食無味者宜補虛健脾

醫癰治驗

一男子患此四五日始生疼痛至晚作寒六脉浮而帶數以人參敗毒散二劑寒熱頓退疼痛稍止彼值公務相問欲出乃用針點入患頂五六分流去紫血用蟾酥條插入膏蓋以活血散瘀湯二服次日流出紫血隨便可行更服托裏藥五六服而安

一男子患此六七日燉痛發熱口乾便燥以托裏消毒散加花粉大黃二服便通渴止仍用前湯加角針山甲數服而膿潰又以十全大補湯半月而斂

一男子患此堅硬不潰此先寒涼之過也以十全大補湯

加角針蒼朮丹皮四劑堅硬漸軟又以透膿散一服膿熟針之以前湯倍參芪歸朮月餘而斂

一男子暑月患此自為內毒外用老鴉藤搗爛敷之每日續飲凉水十餘碗如此三日瘡毒內陷患上平塌冰冷口禁不言六脉虛細如絲辭不可治至夜而死又一人冬月患此外用四黃散凉水調敷內服敗毒散藥毒亦內陷煩燥口乾鼻掀氣急患上平塌原頭存一空孔無水無膿予曰瘡毒已陷定不可治復請別醫俱曰無事予曰瘡居小腹之後肌肉頑厚毒既到此必須內托為膿潰後最易收斂今已內外寒涼毒既內入豈能再出

衆醫強投內消解毒定燥除煩之藥終至不應半月而死

腎癰主治方

活血散瘀湯

活血散瘀湯枳殼 芎歸蘇木角紅花 連翹花粉防風等 大黃赤芍一齊加

治腎癰初起紅赤腫痛墜重如石及大便秘澀

川芎 當歸 防風 赤芍 蘇木

連翹 天花粉 皂角針 紅花 黃芩

枳殼 各一錢 大黃 二錢

水二鐘煎八分食前服便通者去大黃加乳香

黃芪內托散

黃芪內托散 山甲芎歸皂刺加 金銀花與甘草節 腎癰諸腫樂無潤

治腎癰已成服前藥勢定者欲其潰膿宜服之

黃芪 錢一 當歸 川芎 金銀花 皂角針

穿山甲 甘草節 各錢

水二鐘煎八分入酒一杯食前服

應用方

內消沃雪湯 如意金黃散 人參敗毒散

托裏消毒散 透膿散 俱見腫 瘡門

十全大補湯 見潰 瘡門

楊梅瘡論第三十六

夫楊梅瘡者以其形似楊梅又名時瘡因時氣乖變邪氣

楊梅瘡

時珍曰楊梅瘡証
多厥陰陽明二經
屬他經兼若少陰
大陰兼咽喉發
大陽少陽兼時
頭面發相火已
厥陰寄肌肉
陽明屬

瘰癧又名棉花瘡自期綿綿難絕有此三者之稱總由
濕熱邪火之化但氣化傳染者輕精化慾染者重故氣
化乃脾肺受毒其患先從上部見之皮膚作痒筋骨不
疼其形小而且乾精化乃肝腎受毒其患先從下部見
之筋骨多疼小水澁淋其形大而且硬如氣化者毒在
皮膚未經入裏宜服萬靈丹洗浴發汗解散皮膚之毒
精化者毒在骨髓未透肌膚宜服九龍丹通利大小二
便以瀉骨中之毒甚者二服皆可行散之後體寔者升
麻解毒湯體弱者歸靈內托散服至筋骨不疼瘡根淡
白內毒已解方用點藥輕者半年重則一載始方得愈

如患者不遵此法欲其速愈妄用薰條擦藥哈吸等法
往往致後患者多矣患者熟思之

楊梅瘡看法

初起無頭疼筋骨不作痛小水無澁淋瘡乾細者輕已生
頭面稀少口角無瘡項下背脊雖多穀道無可初生瘡發
下疳次生魚口復作筋骨疼痛瘡發非祥瘡起紅紫堅硬
手足多生形如湯潑泡生害非輕淺

楊梅瘡治法

初起先從澁淋次傳筋骨作疼後發其瘡亦宜攻利生此
外無疥瘡內無筋骨作痛時氣所感者微散之瘡從交媾

外科正宗 卷之三
不潔乃生疔疔水滯滯不通當行導利上部作痒瘡多
消風清熱下部作疼痒甚瀉瀉為先紅紫毒盛瘡高涼血
解毒淡白毒輕瘡薄攻補兼行手足皮膚枯槁發掌風生
柏葉二礬煎湯薰洗即好頭髮眉毛脫油風何須說神應
養真丹早服稀疎脫點點楊花癩片片癩風瘡宜服此肌
丸效應如同掃

楊梅瘡治驗

一男子患此兩月餘身服敗毒涼劑不應筋骨疼痛尚在
此表裏寒涼毒沉難出必以辛熱發之用萬靈丹葱酒
煎服洗浴蓋之先出冷汗如雨次出熱汗疼痛減其大

半以歸靈湯服至月餘瘡勢始定又以單解湯兼補中
益氣湯又兩月餘而始痊愈
一男子小便白濁作痛次出疔瘡發腫作爛筋骨微疼予
曰欲發時瘡彼不為信請他醫以薰藥照之雖然疔瘡
稍愈而筋骨更疼頭脹欲破又復請治其時紅點滿面
此火氣鬱遏難出先用黃連解毒湯二服瀉其火毒次
以瞻酥丸發汗使毒透出肌表已後紅點漸漸為瘡筋
骨頭疼從此漸減以加味遺糧湯服至兩月瘡始出盡
骨疼方止又以解毒天漿散相兼服至百日其瘡始退
又百日而平

一女人丈夫生瘡所襲筋骨至疼過晚寒甚以人參敗毒散四劑其寒乃退疼尚不止又以萬靈丹發汗二次方出點如豆大頭面及背肉無餘隙此毒之盛也以防風通聖散二劑通利大小二便去硝黃加皂角針金銀花又十餘劑其瘡漸大小者如錢大者若杯氣穢作爛起坐不堪外以石珍散摻爛上結疤又爛又摻內服加味遺糧湯兩月餘瘡始漸乾輕者收斂而脫重者又半年方得痊愈矣

一庠生患此月餘乃求速愈予曰此患非他恙所比若速愈必遺毒於後日辭不敢治更醫對曰半月全愈後亦

無恙因喜不勝用水銀膽礬等藥搽擦手足二心半月內其瘡果愈隨後骨疼諸藥不應半年後內毒方出作爛疼不堪言遍腿相串並無一空又二年腿脚曲而不直徑成疲疾終身又兼耳聾全不相聽又一人嫖妓生瘡筋骨疼痛予曰升發方可彼欲內消請他醫以丸藥七圓每用一圓置炭土燃着以口吸烟至三九鼻流血至夜而死又一妓者患此欲其速愈以照藥薰之三日後吐鮮血數盆亦死此求速愈自取危亡者無怨

楊梅瘡主治方

加味遺糧湯

加味遺糧湯木瓜 癩皮皂子靈仙等

芎歸防苳木銀花 木通甘草共參詳

治楊梅瘡初起筋骨疼痛及已成數月延綿不已并楊梅風毒誤服輕粉癱瘓骨疼不能動履

川芎 當歸 防風 薏苡仁 木瓜

金銀花 木通 白癩皮 蒼朮 威靈仙 各一錢

甘草 五分 皂莢子 五箇切 仙遺糧 二兩 人參 瘡及氣虛者加

水二碗煎入分量病上下食前後服腿脚之下加牛膝

一錢病淺者一月可退病深者百日可痊忌牛肉燒酒

海腥煎炒此瘡發時多先起於下疳若以此方預服之

可以止其不發梅瘡也

解毒天漿散 解毒天漿散角針 防風防已膝風藤 芎歸翹粉銀花草 木瓜蟬脫薏苡仁

治楊梅瘡不問新久遍身潰爛及筋骨作疼者

天花粉 二錢 防風 防已 皂角針 白癩皮

連翹 川芎 當歸 風藤 木瓜

金銀花 蟬脫 薏苡仁 各一錢 甘草 五分

土茯苓 二兩 牛膝 下部加

水二碗煎入分臨服入酒一杯量病上下服之

升麻解毒湯 升麻解毒湯傳易 去病應知却不可難 同煎皂刺加油服 那怕多年結毒頑

治楊梅瘡筋骨疼痛久而不愈及治遠年近日流注結

毒皮肉破爛咽喉損破者並宜服之川升麻新鮮皂角

針各四錢上白土茯苓一斤項之以上加白芷咽內加

桔梗膏腹加白芍肩背加羌活下部加牛膝各一錢用
水八碗煎至四碗作四次一日服盡每次頓熱加麻油
三茶匙和勻量病上下食前後服之瘡甚者不過十服

歸靈湯

歸靈湯中四物宜 木瓜防已白蘚皮 米仁參朮銀花粉 甘草白芷牛膝隨

治楊梅瘡不問新久但元氣虛弱者宜服此藥

川芎 當歸 白芍 熟地 米仁

木瓜 防已 天花粉 金銀花 白蘚皮

人參 白朮 各錢 甘草 五分 威靈仙 六分 土茯苓 二兩

牛膝 下部加 各五分

水三鐘煎二鐘二次量病上下食前後服之渣再煎八

分服

防風必効散

防風必効散荆防 槐木翹藤薺芷當 角針木通番白芷 銀花花粉木瓜商

治楊梅瘡濕熱太盛瘡高稠密元氣素實者服

防風 防已 荆芥 白蘚皮 連翹

槐花 蒼朮 皂角針 風藤 木通

白芷 天花粉 木瓜 金銀花 番白草 各錢

甘草 五分 大黃 初起加 三錢 土茯苓 四兩

水三碗煎二碗二次服渣再煎一碗服後飲酒一大杯

即靜睡一時許更妙

金蟾脫甲酒

外科正宗

卷之三

法

氣味甘 微苦 平 無毒 主治一切瘡毒 下血 疔瘡 癰疽

翻

治楊梅瘡不拘新久輕重皆效好酒五斤用大蝦蟆一箇浸酒封瓶口煮香二炷取起待次日隨量之大小以醉為度冬夏蓋暖出汗為効存酒次日只服量之六分酒盡瘡愈又治楊梅結毒筋骨疼痛諸藥不効者更妙服酒後七日不許見風為要忌口及房事百日絕根矣

翠雲散 翠雲散中用銅錄 膽礬輕粉石膏加濕用膽調乾未搽 梅瘡一點便收瘡

治楊梅瘡已服內藥根脚不紅瘡勢已退者用

銅錄 各五錢 輕粉 石膏 煨各一兩

共研極細磁罐收貯濕瘡乾搽乾瘡公猪膽汁調點三日點三次其瘡自乾而愈

又點藥方

點藥方中用杏仁 雄黃輕粉共相稱 猪膽汁調瘡上點 敢教三日自承平

杏仁 四十九粒 雄黃 錢一 輕粉 錢二

去皮尖

先將杏仁搗細加雄黃輕粉細末再研勻猪膽調點

鷺黃散

鷺黃散用真輕粉 石膏黃柏要稱準 等分為末 搽爛瘡 楊梅腐痛最安穩

治楊梅瘡潰爛成片膿穢多而疼甚者宜用之

石膏 煨 輕粉 黃柏 炒

以上各等分為極細末乾搽爛上即可生疤再爛再搽毒盡乃愈此解毒止痛收乾之効藥也

應用方

萬靈丹

黃連解毒湯

見腫瘍門

人參敗毒散

防風通聖散

見時毒門

蟾酥丸

見疥瘡門

補中益氣湯

見潰瘍門

九龍丹

見魚口門

神應養真丹

見鶴膝風門

祛風換肌丸

見風癩門

栢葉二礬湯

見鷲掌風門

結毒論第三十七

結毒者薰火收退瘡毒而沉於骨髓也又有朱經薰擦見苗未久服藥不多內毒未盡便用點藥收斂鬱遏毒氣者亦能致之發則先從筋骨疼痛日從漸漸腫起發無定處隨便可生發在關節中則損筋傷骨縱愈曲直不便發於口鼻則崩梁缺唇雖痊破形更相發於咽喉者更變聲音發在手足者妨于行走原來苦楚一生毒遺

結毒

數代情關正錯禍起百端初起筋骨冷痛金蟾脫甲酒發汗自愈虛弱者芎歸二朮湯頭疼欲破者天麻餅子併吹鼻碧雲散年餘流串筋骨不愈者五寶散虛弱潰爛疼痛不斂者十全大補湯同土茯苓煎服初起筋骨痛甚者雷火針法已潰腐爛者解毒紫金膏依法施治年遠毒盛者玄武丹兼外擦靈藥年近毒淺者只在百日自然可愈毋得再薰為禍傷入耳

結毒治驗

一男子薰藥之過六年後兩腿骨痛半年始腫以雷火針

腫小者一處腫大者三處針之七日後作膿腐潰內服
仙遺糧湯兩月餘其疼漸止腫亦漸消又兩月方得腐
盡肌生更十全大補湯三月而斂
一男子玉莖患此半年陽物已損七八過一_ス方士以薰藥
照之患上流血不止人似鬼形予曰毒發已傷元氣再
加薰火一逼血得熱而妄行故去益許此有限之物也
恐其難保先以四物湯兼黃連解毒湯合而服之二劑
其血乃止更入珍湯加麥冬五味子黃柏知母十餘服
元氣乃定外以甘草湯浴洗患上以銀粉散擦之如此
月餘氣血漸醒紅肉漸生陽物復長大半仍用前湯加

土茯苓二兩煎服此不捨其根本共約有四月之餘其
疾乃愈

一男子患此頭疼欲破至夜尤甚苦楚不睡自以解毒藥
治之俱不相應診之寸關脈細數而無力此虛陽之火
上攻以補中益氣湯加土茯苓一兩服至三劑其疼漸
止又十餘劑其疾全安而不再發

一男子患此自膝以下腐爛無空伏枕半年內以芎歸二
朮湯外以甘草白芷歸尾葱白煎洗三日一度以解毒
紫金膏搽之如此三月餘漸漸而安惟足不能步履以
史國公酒藥加土茯苓一斤浸煮又服半年其足方能

步履又一料行步亦然如舊
 一婦人患此頭疼手腕俱痛形之脉滑而弦此痰毒相兼之病也以天麻餅子服之半月頭痛痊愈又以二陳兼四物加紅花升麻黃芩服至月餘而愈
 一男子頭額腐爛外搽解毒紫金膏內以葦薤湯兩月餘而斂又一人小腿患之年餘仍以前藥而愈
 一婦人咽間損壞半年湯飲難下幾死服結毒紫金丹外吹結毒靈藥一月內其症痊愈又女人手膊頭背腫痛六七年不潰諸藥不應仍服前藥而安
 一男子咽喉腐爛予以遺糧湯內服外用解毒生肌藥治

之彼以為緩仍用葶藶散之口爛幾死大便純去黑血及遍身浮腫飲食不進肌破三月而死

結毒主治方

仙遺糧湯

仙遺糧湯用芷防 銀花花粉甚苦當 疾以靈仙 柅膝草 苓連翹共水煎嘗

治楊梅結毒初起筋骨疼痛已被肌肉潰爛者

仙遺糧 即俗稱土 伏苓四兩 防風 荆芥 川芎

當歸 天花粉 金銀花 白蒺藜 薤白以仁

威靈仙 各一 山柅 黃連 連翹

乾葛 白芷 甘草 黃芩 各六分 牛膝 下部加

水三碗煎二碗量病上下食前後服渣再煎一碗服後

飲酒一杯忌牛肉火酒房事等件更妙

芎歸二木湯

芎歸二木湯防村 獨活參苓薏苡仁 木瓜皂刺精猪肉 草甲銀通土茯苓

治楊梅結毒已成未成筋骨疼痛步履艱辛及潰後腐肉臭敗不能生肌收斂者宜服之並効

白朮

蒼朮

川芎

當歸

人參

茯苓

薏苡仁

皂角針

厚朴

防風

木瓜

木通

獨活

穿山甲

炒各一錢

金銀花

二錢

精猪肉

兩

土茯苓

兩四

水三碗煎一半量病上下服之渣再煎服

消風脫甲散

消風脫甲散紅花 風子薄脫銀皂刺

番白靈仙搥蛻瓜 翹通蒼朮草齊加

藤

治楊梅結毒筋骨疼痛腐爛作臭氣血壯實者

謂 十年十五年五 二十年來三十補

曰 縱然臭爛不堪聞 骨教逢人再不吐

番白草

紅花

甘草

威靈仙

山梔

蟾蜍

連翹

皂角刺

大風肉

薄荷

風藤

金銀花

冬瓜皮

木通

蒼朮

各一錢

土茯苓

兩四

水三碗煎一二次服用好酒一大杯過口渣再煎服

薰洗結毒方

薰洗結毒方專効 任是腐疾多微骨

蒼朮川椒共水煎 將來一洗即持捨

蒼朮一兩點紅川椒三錢水五碗煎至四碗入罐內

外科正宗

卷之三

七

將患上對確口以熱氣薰之半熱傾藥盆內淋洗患
上以潔淨布搥乾搽後解毒紫金膏

解毒紫金膏

解毒紫金膏最易取功奏效識應難
碧紅只與松香等去腐生新解笑顏

治楊梅結毒腐爛作臭膿水淋漓諸藥不效者

細塊碧紅明淨松香各一斤共碾極細末麻油調稠
先將患上用煎湯薰洗潔淨搽上此藥油紙蓋住以
軟布條要扎至緊毋令血行三日一換如無前湯薰
洗只煎艾甘草等湯俱可洗換又治諸毒頑腫瘡
等神效愈後忌發物煎炒

神仙碧玉膏

神仙碧玉膏朝脂輕粉抗粉皆可
乳香沒藥併白占其猪油調搽腐爛好

治結毒潰爛臭穢疼痛不斂及風腫等瘡俱效

輕粉一兩

抗粉一兩

白占五錢

乳香三錢

沒藥三錢

章水一錢

用公猪淨熟油五兩同白占熬化傾入碗內入上藥和
勻水內頓一時取起臨用抵腳挑膏手心中捺化攤油
紙上用葱湯洗淨瘡對患貼之

五寶散

五寶散內用硃砂琥珀珍珠水片加
飛羅麵同滴乳石飯團煎煎功確誇

治結毒筋骨疼痛腐爛口鼻諸藥不效者服之

滴乳石

如乳頭下垂敲破易碎亮
似蜻蜓翅者方真四錢

琥珀二錢

硃砂一錢

珍珠二錢

水片一錢

右各研極細對準共爲一處再研數百轉磁罐密收用藥二錢加飛羅麵八錢再研和勻每用土茯苓一斤水八碗煎至五碗濾清作五次每次加五寶散一分和勻量病上下服一日服完十服自愈如鼻子腐爛每日土茯苓內加辛蕒三錢煎服引藥上行忌食海腥牛羊火酒煎炒房事等件

結毒紫金丹

結毒紫金丹罕稱
决明龜板硃砂等

此方原不欲人知
米飯爲丸脫苦難

治遠年近日楊梅結毒筋骨疼痛日久腐爛臭敗不堪聞者或咽喉昏鼻破壞諸藥不効者妙

龜板

放炭火上炙集用新安酒漿濃筆蘸藥塗上反復炙塗三次以焦黃爲末一二兩

石决明 用九孔大者煨紅 硃砂 明亮者各

共再碾極細爛米飯爲丸麻子大每服一錢量病上下食前後筋骨疼痛酒下腐爛者土茯苓湯下至重者四十日而愈此功力勝於五寶散

結毒靈藥方 結毒靈藥方水銀 硃砂雄黃硫黃稱
加上輕粉共研成 搽于腐上効如神

水銀 一兩 硃砂 雄黃 硫黃 各三錢

其碾細入陽城罐內泥固鐵蓋梁兜固緊封口點三香爲度用水擦蓋內火畢次日取出蓋底靈藥約有二兩五六錢治尋常腐爛之症靈藥五錢輕粉五錢和勻碾

細小確盛時紗封確口臨用甘草湯洗淨患上將確倒懸紗眼內篩藥患上用後單油膏藥蓋之一日一換自効男子婦人咽爛者靈藥一錢加入中白二分研細吹之日用三次內服不二散其疼即止隨可飲食

硫黃不二散 硫黃不二散功奇止痛除危効不遺
加上靛花研細末服之猶是遇神醫

治楊梅結毒發於咽內腐爛疼痛湯水難入者

硫黃一錢 靛花一分
共為細末凉水一大酒杯調服其疼即止飲食可用

鉛回散 鉛回散內藥蹊蹊筋骨多疼功不饒
加上硫黃為末服敢交若楚寂然消

治楊梅結毒筋骨疼痛朝輕夜重喜熱手按揉者用鉛半斤銅杓內化開傾入水內將鉛取起再化再傾如此百遍鉛盡為度候半日待水澄清傾去用鉢底內沉下鉛及傾在三重紙上下用灰收乾水氣取起晒乾與硫黃等分研細確收每服一錢溫酒調服至重者不過三次即効

單油膏 單油膏藥用麻油熬化成膏傾水內 梳粉將來漸漸投

貼結毒藥上用麻油二斤熬滴水成珠續下梳粉十

三兩攪勻成膏傾水內片時取起攤用

草薺湯 草薺湯蒲正柏蒼靈仙龜板草絳當胡麻羌活川椒等結毒筋疼皆可

治結毒筋骨疼痛頭脹欲破及已潰腐爛並効

川草薺錢二 防風 苦參 何首烏各一錢

威靈仙 當歸 白芷 蒼朮 胡麻

石菖蒲 黃柏各六分 羌活 川椒各四分 龜板一錢五分

紅花三分 甘草五分

水二鍾煎入分臨服入酒一杯量病上下服之

碧雲散 吹鼻碧雲散川芎 鵝不食草一服同
青黛共研為細末 吹之身內有神功

治結毒入於顛頂以致頭疼脹痛如破者吹之

鵝不食草兩 川芎兩 青黛錢一

其為細末患者口噙涼水以蘆筒吹藥疼之左右鼻內取嚏為効

應用方

十全大補湯 補中益氣湯 四物湯

八珍湯俱見潰瘍門 金蟾脫甲酒見楊梅瘡門

天麻餅子見頭痛門 雷火神針見附骨疽門 史國公酒藥見風濕門

二陳湯見癰瘡門 黃連解毒湯見疥瘡門 銀花散見下疳門

玄龜丹即結毒紫金見

多骨疽論第三十八

多骨疽者由瘡潰久不收口乃氣血不能運行至此骨無榮養所致細骨由毒氣結聚化成大骨由受胎時精血交錯而結日後必成此疽也但腎主骨宜服腎氣丸十

多骨疽

全大補湯先補脾腎次用艾附餅灸之令溫煖腐毒朽骨自然脫盡生肌斂口而愈

多骨疽治驗

一男子上膊腫痛月餘以散風清熱藥俱已不効又兩月破流血水百白外方出細骨大小三十餘塊以十全大補湯併吹生肌散兩月餘而斂中存一小孔簪脚大通鼻透氣致難全斂為愈而不愈也

一男子左手上膊結腫年餘方出爛斑破流稀膿延至半年方出多骨一條如鵝膊骨長約四寸內服養血健脾藥外搽玉紅膏膏蓋又月餘而斂

一男子小腿正面膝骨腫痛二年諸藥不應此多骨瘡也後破出骨一塊肌肉腐爛元氣虛弱以十全大補湯加山茱萸牛膝木瓜服至兩月餘不斂每日以神燈照法將火氣助之又出朽骨一塊上有蛙眼數十孔以二骨炭火煨紅為末入生肌藥中用之收斂問曰用骨者何此骨原稟氣血結成故用之復還元氣也後人聞之知理合天然之數矣

一女人右口上牙根突腫如栗堅硬如石不痛此多骨疽也藥亦不効後三年始痛破流臭膿後出多骨形如小鱉腫仍不退此骨未盡稍久又出小骨二塊枯色稜

其腫方退以四君子湯加升麻陳皮外以甘草煎湯漱
生肌散日搽三次而收斂

多骨疽主治方

固本養榮湯 固本養榮湯四物 山藥人參併白朮
山萸苒草牡丹皮 肉桂黃芪五味宜

治骨疽已成骨不吐出或既出不能收斂由氣血之虛

脾胃弱也宜服之骨不出者自出不收斂者自斂

川芎 當歸 白芍 熟地 白朮

山藥 人參 牡丹皮 山萸肉 黃芪 各一錢

甘草 肉桂 五味子 各五分

水二鍾薑三片棗二枚煎八分食前服

生肌散

生肌散內石膏丹 石脂輕粉乳香
龍骨再加朝腦和 用之完口不須難

治腐骨脫出肌肉生遲不能收斂者用此搽之

石膏 輕粉 赤石脂 各一兩 黃丹 兼二錢

龍骨 血衄 乳香 朝腦 各三錢

右為細末先用甘草當歸白芷各一錢煎湯洗淨患上
用此乾搽軟油紙蓋扎二日一洗一換

應用方

神燈照法 玉紅膏 俱見腫瘍門 十全大補湯

四君子湯 俱見潰瘍門 腎氣丸 見肺癰門

新刊外科正宗卷之三

四深下處

四深下處 是見前 得原出 是門

帆袋照出 是門 王其膏 是門

十全大

此其甚然

亦與時末

龍骨 血旺

不音 強健

台謝曾

主眼



